


# 粵太記




自七  
至九

			九	漢
		一	〇	書
		一	七	門
		〇	六	類
冊	架	函	號	

庫文閣內		
九	九	漢
函	〇	書
一	七	
三	六	類
架	冊	號

內閣文庫	
番號	漢 9076
冊數	10 ( 3 )
函號	232 83





一	本	書	以	三	月	五	日	三	日
二	本	書	以	三	月	五	日	三	日
三	本	書	以	三	月	五	日	三	日
四	本	書	以	三	月	五	日	三	日
五	本	書	以	三	月	五	日	三	日
六	本	書	以	三	月	五	日	三	日
七	本	書	以	三	月	五	日	三	日
八	本	書	以	三	月	五	日	三	日
九	本	書	以	三	月	五	日	三	日
十	本	書	以	三	月	五	日	三	日

朝野大記卷之七

嶺南郭棐篤周甫編

淺草文庫

官蹟類

忠貞正氣

漢終軍 南宋尹虞 虞授 劉勗


唐李迢 韓浩

宋蘇緘 趙師旦 曹覲 虞輔國 李憲

史寅仲 張忠 陳永齡 毛炳

趙善傑 顏公衮 鄭勳 曾逢龍

文天祥 陸秀夫 張世傑 趙與珞



徐宗仁 袁天與 賴天賦

明王 清 羅 紳 夏則中 毛 吉

終軍字子雲濟南人也少好學善屬文年十八選為博士弟子太守聞有異才召見甚奇焉遂之長安上書言事武帝異其文拜軍為謁者給事中從上幸雍祠五時獲白麟一角而五蹄時又得奇木其枝旁出輒復合上異此二物博謀群臣軍對曰野獸并角非同本也衆支內附示無外也若此之應將有解編髮削左衽襲冠帶要衣裳而蒙化者焉上甚異之詔改元

為元狩後數月越地及匈奴名王有率衆未降者衆以軍言為中初軍從濟南詣博士步入闕閼吏與軍繻軍問何為吏曰為復傳還當以合符軍曰大丈夫西游終不復傳還棄繻而去及軍為謁者使行郡國建節東出闕閼吏識之曰此前棄繻生也未幾擢諫大夫南越與漢和親遣軍使南越說其王欲令入朝比內諸侯軍自請願受長纓必羈南越王致之闕下軍遂往說越王越王聽許請舉國內屬天子大悅賜南越大臣印綬一用漢法以新改其俗令使者留填

撫之越相呂嘉不欲內屬發兵攻殺其王及漢使者  
軍乃挺節不屈死之軍時年二十餘故世謂之終童  
按終子雲年少而氣雄請以長纓繫越卒符其志乃  
呂嘉之兵出于意外然竟抗節不少絀焉其志可悲  
已太史公不表章之後人徒憐其少而不知偉其節  
惜哉

尹虞長沙人慷慨有志節永嘉初仕至始興太守治  
民弭盜弛張有法每以忠義勵士莫不效命閨範爾  
穆郡民化之官滿過家值杜弢之亂虞倡義起兵於

巴陵號曰監軍以討弢連戰稍勝遂進長沙為弢敗  
沒初敗時二女為弢所獲並有國色弢將妻之二女  
不屈曰我父二千石終不能為賊婦有死而已弢皆  
害之廣州刺史郭訥遣始興太守嚴佐援虞又敗而  
反因得虞凶問始興吏民間之莫不舉哀致酹云  
虞授會稽餘姚人也少嗜經史壯負智畧歷仕至廣  
州刺史軫恤災旱申理幽滯廣民愛之行部所至密  
擒寇賊勸相農桑闔境大治三年代去後南土盜發  
天紀末復用授為廣州督君嘗以馬革裹屍自許郭

馬作亂授竟死難人以為讖云

劉勔字伯猷彭城上里人也少有志節兼好文義家貧仕宋初為廣州增城令吏幹精通民夷讜服刺史劉道錫引為楊烈府主簿道錫嘗遣勔詣京都文帝引見之勔對稱旨除寧遠將軍綏建太守太宗卽位遷輔國將軍後拜廣州刺史方討殷琰於豫州不克拜勔著聲南土廣人思之元徽中桂陽王休範作亂勔與戰死焉事平贈司空謚曰忠昭公子俊嗣順帝昇明末為廣州刺史孫覽為始興內史居郡尤勵清節

李迢隴西人宗室疎族素以剛正聞乾符中為嶺南東道節度使黃巢寇起所至莫禦天平節度使張勳薨巢與迢及浙東觀察使崔瑒書求代勳迢等為之奏請朝廷不許巢復上表求節度廣州上命大臣議之左僕射于琮以為廣州市舶寶貨所聚豈令賊得之亦不許乃議別除官宰相請除巢府率從之巢得告身大怒詬執政急攻廣州即日陷之執迢轉掠嶺南州縣巢使迢草表述其所懷迢曰予骨肉滿朝世受國恩腕可斷表不可草巢殺之

韓浩京兆長安人宰相休長子以籍王鉷家貲被論  
流循州久之放還京師安祿山之亂不受僞命而死  
詔贈吏部郎中

蘇緘字宣甫泉州晉江人舉進士調廣州南海主簿  
州領番舶每商至則擇官閱實其貲商皆豪家大姓  
習以客禮見主者緘以選往商樊氏輒升階就席緘  
詰而杖之樊訴于州州召責緘緘曰主簿雖卑邑官  
也商雖富部民也邑官杖部民有何不可州不能詰  
累遷秘書丞知英州儂智高圍廣緘曰廣吾都府也

且去州近今城危在旦暮而不往救非義也即募士  
數千人委印於提點刑獄鮑軻夜行赴難去廣二十  
里止營廣人黃師宓陷賊中為之謀主緘擒其父群  
不逞並緣為盜復捕殺六十餘人招其誑誤者六千  
八百人使復業賊勢沮將解去緘分兵先扼其歸路  
布槎木亘四十里賊至不得前乃逸出數舍渡江由  
連賀而西緘與賊戰摧傷甚衆盡得其所略物時諸  
將皆罷獨緘有功仁宗喜權為供備庫副使廣東都  
監管押兩路兵馬事竣賜朝衣金帶熙寧初進加京

使廣東鈐轄四年交趾謀入寇以緘為皇城使知州  
緘詞得實以書抵知桂州起起不以為意及代起緘  
致書於彞請罷所行事彞不聽反移文責緘沮議令  
勿得輒言八年蠻遂入寇衆號八萬陷欽廉破邕四  
砦緘聞其至閩州兵得二千八百召僚吏與郡人之  
材者授以方畧勒部隊使分地自守民驚震四出緘  
悉出官帑及私藏示之曰吾兵械既具蓄聚不乏今  
賊已薄城宜固守以待外援若一人舉足則群心搖  
矣幸聽吾言敢越佚則孥戮汝有大校翟績潛出

以狗由是上下曾息外援不至殺其家三十六人藏  
于坎縱火自焚蠻至求尸皆不得邕被圍四十二日  
力不支而死子子明子正孫廣淵直溫同死焉神宗  
聞之嗟悼贈奉國軍節度使謚曰忠勇賜都城甲第  
五鄉里上田十頃聽其家自擇以子元為西頭供奉  
官閣門祗候召對謂曰邕管賴鄉父守禦儻如欽廉  
即破則賊乘勝奔突桂象皆不得保矣昔張巡許遠  
以睢陽蔽遮江淮較之鄉父不能過也改授殿中丞  
通判邕州後交人謀寇桂州其衆見大兵從北來呼曰



蘇皇城領兵報怨懼而引歸邕人為緘立祠元佑中  
賜額懷忠

趙思旦字潛叔單州武城人後徙居山陽樞密副使  
稹之從子美容儀身長六尺少年頗涉書史用禎廕  
補官右贊善大夫移知康州儂智高破邕州順流東  
下師旦使人覘賊還報曰諸州守皆棄城走矣師旦  
叱曰汝亦欲吾走乎乃大索得謀者三人斬以徇而  
賊已薄城下師旦止有兵三百開門迎戰殺數十人  
會暮賊稍却師旦語其妻取州印佩之使負其子以

匿曰明日賊必大至吾知不敵然不可以去爾爾死  
無益也遂與監押馬貴部士卒固守州城召貴食貴  
不能食師旦獨飽如平時至夜貴卧不安席師旦即  
卧内大斲遲明賊攻城愈急左右請少避師旦曰戰  
死與戮死何如衆皆曰願為國家死至城破無一人  
逃者矢盡與貴俱還據堂而坐智高麾兵鼓譟爭入  
脅師旦師旦大罵曰餓餒朝廷負若何事乃敢反耶  
天子發一校兵汝無遺類矣智高怒遂害之監押馬  
貴亦力戰而死賊既去州人為立廟以貴配享事平

贈光祿少卿賜其母主長安縣太君冠帔錄其子弟  
先是師旦藏其妻於山谷生一子棄草中賊去後凡  
三日尚生人謂忠義之報云崇寧五年賜廟額曰忠  
景靖康初追謚愍惠侯

曹覲字仲賓建安人父脩禮不仕叔脩古知興化軍  
卒無子天章闈待制杜杞為言于朝授覲建州司戶  
參軍為脩古後皇祐中以太子中舍知封州儂智高  
叛攻陷邕管趨廣州行至封州州人未嘗知兵士卒  
纒百人不任戰鬪又無城隍以守或勸覲遁去覲正

色叱之曰吾守臣也有死而已敢言避賊者斬麾下  
監陳曄引兵迎擊賊封川令率鄉丁弓手繼進賊衆  
數百倍曄兵敗走鄉丁亦潰覲卒決戰不勝被執賊  
戒勿殺猝使拜且誘之曰從我得美官付汝兵柄以  
女妻汝覲不肯拜且罵曰人臣惟北面拜天子我豈  
從爾苟生耶速殺我幸矣賊猶惜不殺徙置舟中覲  
不食者兩日探懷中印章授其從卒曰我旦死若求  
問道以此上官賊知其無降意害之至死詬賊聲不  
絕投屍江中時年三十五事聞贈太常少卿錄其子

四人妻劉避賊死於林峒追封彭城郡君加贈冠帔  
又贈脩古尚書工部侍郎封脩古妻陳潁川郡君當  
智高之反乘嶺南無備州縣吏往往望風竄匿故賊  
所向輒下獨覲與孔宗旦趙師旦能以死守後田瑜  
安撫廣南為覲立廟封州

虞輔國李憲俱為澄海將軍才畧雄一時以意氣相  
許紹興八年海寇陳旺攻雷州南城輔國與郡守議  
曰海賊陸鬪非其技戰以挫其銳彼知城內有備不  
敢乂也苟歛鋒次避彼團結營堡野掠自資復環攻

我則城必危乘其勢之未形橫衝以撼之勝則城可  
保敗則賊知懼故守則禍深出則禍淺吾請戰矣郡  
守以勢不敵難之復請至再三李憲亦以死請遂開  
門而出自朝至午戰數十合輔國死之李憲奮勇愈  
厲至暮亦死寇乃縱火而去城池獲全

史寅仲鄱陽人以進上拜朝散郎知化州洞蠻負固  
督軍捕之沒於戰贈朝散大夫又有樓海者以司法  
權宰清遠清遠峒寇一夕入縣治倉卒告變海挺身  
出諭賊竟遇害事聞有詔褒贈邑人祀之李昉英以

詩哭之曰諭賊散私財實頑不可回憤然瞑目罵吾  
已戴頭來一死當凶刃千家免劫灰遺孤元未有行  
路為悲哀

張忠開封人初隸龍騎備征選為教駿歷真定府定  
州高陽關京東西路兵馬鈐轄儂智高反就移廣東  
領英州團練使初智高圍廣州時洪州駐泊都監蔡  
保恭及知英州蘇緘以兵八千人據邊渡村扼賊歸  
路忠奪而將之謂其下曰我十年前一健兒以戰功  
為團練使若曹勉之於是不介騎而前會先鋒遇賊

奔忠手拉賊帥二人馬陷淖不能奪遂中標槍死錄  
其父率府副率致仕餘慶為左監門衛大將軍賜第  
一區給半俸終身封其母為河內郡夫人

陳永齡者熙寧間知欽州時交趾入寇永齡率兵同  
守城陷不屈而死

毛炳廣西富川人倜儻不羈好讀書乾道中以平寇  
功陞廉州都巡檢使交寇犯境死于難累贈太尉謚  
武烈又有毛士毅亦富川人為石城令李接攻城士  
毅語尉曹曰吾與君當以死衛百姓乃糾合義兵與

賊戰尉死於兵士毅亦罵賊遇害而死事聞高宗嘉其忠贈承德郎

趙善僕先任南雄州判嘉定三年准旨知州事時江西尚寇猖獗數來犯境趙親提兵督戰至沙水其子監廟汝振與司法叅軍黃樞從之兵敗俱死于賊其忘家徇國如此郡人哀而祠之

顏公衮字昇鄉龍溪人也以父澤補官紹定間興寧令時強寇陳三鎗羅動天逼境公衮出與遇下車諭以理義賊怒不聽公衮厲聲罵賊被執死於邑校大成殿前邑人哀之為立祠詔贈朝奉郎官其子徐千能者為興寧簿任未一月亦以陳羅之亂與顏令同死於寇

鄭勳字景周仙遊人端平二年知博羅縣先是廣州摧鋒軍遠戍建康四年比歸留戍江西又四年轉戰皆捷而上功幕府不報求撤戍又不報至是統領熊喬部下卒僧忠遂倡亂焚掠州境長驅西下或勸勳避其鋒勳曰吾為長官見賊而去如吾民何須待熊統軍至諭遣之賊至喬已逸勳諭之不從正色叱之

遂遇害邑人哀之構祠祀焉

曾逢龍寧都人開慶初進士為新會令能以忠義自許為政有循良風景炎元年六月元酋呂師夔遣其將黃世雄寇廣州經畧使徐直諒遣郡人李性道領兵拒之性道降于世雄受虜官爵秋九月東莞民熊飛復廣州世雄遂遁會逢龍率鄉兵禦虜亦至州城往道迎謁祈哀逢龍擒而誅之時端宗在閩聞其功降勅嘉獎擢韶州通判未幾師夔復入寇連韶諸州守皆降制置使趙潛遣逢龍往南雄拒之與虜兵遇

力戰不敵知必被執乃正衣冠縊而死贈龍圖閣學士

文天祥字宋瑞又字履善吉水人美皙如玉顧盼輝然年甫弱冠理宗親拔進士第一考官王應麟奏曰是卷古誼若龜鑑忠肝如鐵石臣敢為得人賀開慶初元兵大至宦官董宋臣諛上遷都人莫敢議其非者天祥時入為寧海軍節度判官上書乞斬宋臣以一人心不報即自免歸後稍遷至刑部郎官宋臣復入為都知天祥又上書極言其罪亦不報出守瑞州

改江西提刑遷尚書左司郎官累以臺論罷援錢若  
水例致仕時年三十七咸淳九年起為湖南提刑因  
見故相江萬里萬里素竒天祥志節語及國事愀然  
曰吾老矣世道之責其在君乎十年改知贛州德祐  
初江上報急詔天下勸王天祥捧詔涕泣遂起兵諸  
豪傑皆應有衆萬人事聞以江西提刑安撫使召入  
衛其友止之曰是何異驅群羊而搏猛虎天祥曰吾  
亦知其然也第國家養育臣庶三百餘年一旦有急  
徵天下兵無一人一騎入關者吾深恨於此故不自  
量力而以身徇之庶天下忠臣義士將有聞風而起  
者義勝者謀立人衆者功濟如此則社稷猶可保也  
天祥性豪華平生自奉甚厚聲伎滿前至是痛自貶  
損罄家貲為軍費每與賓佐語及時事輒流涕撫几  
言曰樂人之樂者憂人之憂食人之食者死人之事  
八月天祥提兵至臨安除知平江府時以丞相陳宜  
中未還朝不遣十月宜中至始遣之未幾除右丞相  
兼樞密使使如元軍議和與伯顏抗論皋亭山伯顏  
怒拘之至鎮江天祥夜逃汎海至温州端宗未立天

祥上表勸進以觀文殿學士侍讀召至福州拜右丞  
相天祥收殘兵奔循州又明年三月進屯麗江浦六  
月入船澳端宗崩衛王繼立天祥上表自劾八月加  
少保信國公軍中疫且起兵士死者數百人天祥惟  
一子與其母皆死十一月進屯潮陽十二月趨南嶺  
鄒鳳劉子俊又自江西起兵未元帥張弘範兵濟潮  
陽天祥方飯五坡嶺弘範兵突至被執天祥吞腦子  
不死鄒鳳自頸死劉子俊陳龍復蕭明哲蕭資皆死  
杜澣被執以憂死林琦張唐熊桂吳希奭陳子全兵  
敗被獲俱死惟趙孟滌何時陳子敬遁唐棻之後  
抹之後許範之從子也天祥見弘範不拜弘範以客  
禮見之與俱入厓山使為書招張世傑不可索之固  
乃書零丁洋詩與之末云人生自古誰無死留取丹  
心照汗青弘範笑而置之崖山破軍中置酒大會弘  
範曰國亡丞相忠孝盡矣能改心以事宋者事皇上  
將不失為宰相也天祥泫然出涕曰國亡不能抹為  
人臣者死有餘罪况敢逃其死而二其心乎弘範義  
之遣使護送至燕天祥不食八日不死即復食及至



館人供張甚盛天祥不寢處坐達旦乃移兵馬司設  
卒守之丞相博羅等召見詰數端為天祥罪天祥辨  
論不少貶博羅欲殺之元主及諸臣皆不可元主求  
才方急遣南官王績翁諭旨天祥曰國亡吾分一死  
矣儻緣寬假得以黃冠歸故鄉他日以方外備顧問  
可也若遽官之非直亡國大夫不可與圖存舉其平  
生而盡棄之將焉用我績翁欲合南官留夢炎謝昌  
元等十人請釋天祥為道士夢炎曰天祥出復號召  
江南置吾十人何地事遂已天祥留燕三年坐卧一  
小樓足不履地元主知不可屈議釋之有以天祥起  
兵江西事為言者遂不果元主召入諭之曰汝何願  
對曰天祥受宋恩為宰相安事二姓願賜一死足矣  
然又不忍遽麾之退言者力贊從其請乃即刑天祥  
從容謂吏卒曰吾事畢矣南鄉拜而死俄有詔止之  
無及矣數日妻歐陽氏收其屍面如生年四十七衣  
帶中有贊曰孔曰成仁孟曰取義惟其義盡所以仁  
至讀聖賢書所學何事而今而後庶幾無媿  
陸秀夫字君實楚州人其父徙家鎮江景定元年登

進士第李廷芝鎮淮南聞其名辟至幕中時天下稱得  
士多者以淮南為第一號小朝廷三遷至主管機宜  
文字咸淳十年庭芝制置淮東擢參議官德祐元年  
還事急諸僚屬多亡者惟秀夫數人不去累擢至宗  
正少卿兼權起居舍人二年正月以禮部侍郎使軍  
前請和不就而返與蘇劉義追從二少帝于温州召  
陳宜中張世傑等皆至遂相與立端宗于福州秀夫  
進端明殿學士簽書樞密院事與宜中議不合宜中  
使言者劾罷之世傑讓宜中曰此如何時動以臺諫

論人宜中皇恐亟召還時君臣播越海濱庶事踈略  
楊太后垂簾與群臣語猶自稱奴每時節朝會秀夫  
儼然正笏立如治朝或時在行中淒然泣下以朝衣  
拭淚衣盡濕屬井澳風帝以驚疾崩群臣皆欲散去  
秀夫曰度宗皇帝一子尚在將焉置之古人有以一  
旅一成中興者今百官有司皆具士卒數萬天若未  
欲絕宋此豈不可為國邪又相與立弟昺嗣帝位時  
宜中往占城屢召不至乃以秀夫為左丞相與世傑  
共秉政世傑駐兵厓山秀夫外籌軍旅內調工役凡

述作又盡出其手雖匆遽流離中猶自書大學章句以勸講祥興二年二月厓山兵敗秀夫走帝舟而世傑劉義各斷維去秀夫度不可脫杖劍驅妻子入海奏曰陛下當為國死太皇太后辱已甚今不可再辱卽負帝赴海死年四十四

張世傑范陽人金貞祐間河北盜起定興豪狹張柔聚族黨結隊伍慕義之士多從之世傑與焉金主以柔為中都留守行元帥事柔使世傑戍杞世傑見金事日非元益強時勸柔歸正柔怒斥之將得罪世傑

遂來歸為呂文德小校累功至黃州武定諸軍都統制又以功轉十官加環衛歷知高郵軍安東州度宗末呂文煥以襄陽降元命世傑將五千人守郢元兵不得前遣人招之不聽元乃移兵攻鄂德祐元年世傑提所部兵入衛道復饒州乃入朝時方危急徵諸將勤王多不至獨世傑來上下歎異自和州防禦使不數月累加至保康軍承宣使總都督府兵遣將四出取諸郡復諸城兵勢頗振七月與劉師勇諸將出師焦山操戰艦名黃鵠白鷁者凡萬餘艘每十艘為

一舫沉鐵碇於江非有號令不得擅起碇示以必死  
元將阿木分兵兩翼以火矢夾射蓬檣皆灼董文炳  
兵又合而擊之自寅至午師大敗投江溺死數萬人  
無一降者世傑奔圖山上疏請濟師不報擢龍神衛  
四廂都指揮使數月進沿江招討使改制置副使兼  
知江陰軍已而元兵至獨松關以世傑為保康軍節  
度使知平江尋亦召入衛加檢校少保明年正月遂  
從二少帝入福州與衆共立端宗拜簽書樞密院事  
王世強導阿剌罕來攻世傑奉帝航海由泉州入廣

復潮州明年唆都遣人招帝又遣孫安甫說世傑世  
傑拘安甫不遣劉深來攻淺灣世傑兵敗移帝居井  
澳深復來攻井澳世傑戰却之因徙硎洲帝崩奉弟  
昺嗣帝位拜少傅樞密副使世傑以硎洲不可居再  
徙厓山封越國公祥興二年正月張弘範等兵至厓  
山或謂世傑曰北兵若塞海口則我不能進退盍先  
據之即不利猶可西走世傑慮久在海上有離心動  
則必散乃曰頻年航海何時已乎今須與決勝負悉  
焚行朝草市結大舶千餘作水砦為死守計已而弘

範果據海口樵汲道絕茹乾飲鹹輒嘔泄兵大困世傑率蘇劉義方興日大戰弘範者柔之子也柔既降元元還其舊職得便宜行事累封察國公恒媿世傑弘範以世傑故父部曲嘗至港外呼世傑與語舊世傑不往甥韓在弘範軍中使二至招之世傑曰吾知降生且富貴但當為主死耳因歷數古忠臣以荅乃一月癸未弘範等攻厓山世傑敗走帝舟元兵薄中軍世傑斷維以十餘艦奪港去還收兵厓山復欲奉楊太后求趙氏後立之太后聞帝訃亦赴海死世傑葬之海濱五月四日世傑舟抵平章港颶風作世傑辨香祝天曰若天不欲吾復存趙氏則大風覆吾舟舟遂覆死焉事詳本紀

趙與珞者宋宗室子也咸淳初為瓊管安撫使至帝昺祥興元年秋元將阿里海涯畧地海外遺宣慰舊帥馬旺招降不聽率義勇謝明謝富冉安國黃之傑等兵禦白沙口極力死戰舟兵不得登岸久之元將憲焉冬十一月壬辰因購內應執與珞等以降慢罵不屈元將怒皆裂殺之與珞素有膽畧海外諸蠻小

國皆倚為重既死由是四州縣及外蠻皆附于元唐  
西洲胄謂與珞死后三閱月而宋亡矣慢罵以泄其  
忿堅守以固其志者心焉已耳宋室守臣守節雖多  
豈有后於與珞者史氏不為立傳續綱目不為大書  
可惜也此猶食祿也若謝明謝富冉安國王之傑郡  
士爾服死又何烈也王佐哀使君詩云末路誰云當  
國步瓊州節槩似常山心懸北極天應遠血灑南荒  
地盡班上帝亦哀麟鳳死中原今放犬羊還使君忠  
義言難盡只把哀詞滴淚刪又哀四義士云五更風  
雨晦乾坤守信鳴鷄事不昏萬戶千門皆已死汗責  
今見四人存又有張應科者帝昺祥興初以瓊管安  
撫使與王用攻雷州三戰皆不克用降於元應科誓  
死報國再決戰城下遂死于敵史臣曰應科死於夏  
與珞死於冬自是諸州降没天下守臣無有拒敵者  
豈不為凜凜後凋之松柏哉

徐宗仁字求心求豐人淳祐十年進士歷官太常少  
卿德祐元年起歷權禮部尚書後端宗於海上厓山  
兵敗赴海死初開慶元年宗仁伏闕上書曰賞罰者

軍國之綱紀賞罰不明則綱紀不立今通國之所謂  
佚罰者不過丁大全袁玠沈翥張鎮吳衛翁應弼石  
正則王立愛高鑄之徒其首惡則董宋臣也是以廷  
紳抗疏學校叩閣至有歆借尚方劍為陛下除惡者  
陛下乃赦而不問天下之事勢急矣朝廷之紀綱壞  
矣若誤國之罪不誅則用兵之士不勇陛下亦嘗一  
念及此乎又請言責者皆得以盡其言則國論伸而  
國威振今誦其言猶凜凜有生氣則宗仁雖死為不  
死矣時同赴水者樞密使高桂吏部侍郎趙樵兵部

侍郎茅湘俱死翰林學士劉鼎孫沉海不死被執擄  
掠無完膚一夕得脫卒蹈海而死吁烈哉

張烈良者德祐初為湖南制置使端宗時與提刑劉  
應龍起兵應崖山為阿里海涯所敗烈良等舉宗并  
餘兵奔思州烏羅洞元兵襲之俱戰死

袁天與者德佑初第進士丁父憂未仕崖山宋亡人勸  
其退伏草莽為自全計天與不聽結義兵誓復州邑  
奮不顧身兵敗罵賊以死初與謝昌元趙孟頫約同  
死國無何二人并食元祿獨天與踐其言一門自盡

者十七人獨遺一子嗚呼天與時未有官守而伏節  
死義若此非其忠義出於天性然耶按建文時靖難  
師至周是脩在翰林約與諸公同死及暮詢其動定  
尚有問飼猪者是脩曰一猪尚不忍舍况性命乎乃  
自經於銀杏樹下其視天與之忠何殊哉彼諸公其  
為趙孟頫輩焉能逃史狐之筆耶

賴天賦福建閩縣人至正中舉人材任興寧縣主簿  
至洪武賊邵宗愚等猖獗天賦力為戰守屯兵於龍  
巖若賊至拒戰力不能敵敗績賊追至馬公坑執之  
極口罵賊不屈而死

王清字一寧合肥人世以武功為濟寧衛指揮慷慨  
多勇畧常提兵入衛宣德間率所部出喜峯口及至  
鴛鴦海覘虜累立奇功正統二年陞廣東都指揮以  
親老不遂迎養陳情乞分俸於原衛 詔許之蠻夷  
叛據大藤峽清往討有功戊辰總督廣東軍務已巳  
協同總兵駐軍高州廣賊黃蕭養劫鄉民叛衆十餘  
萬圍攻廣州清帥舟師赴援至沙角尾水淺舟膠矢  
盡被執賊素知清威望不敢害清投水不死因寄衣



還廣城中大書一詩云兩捧 天書鎮百蠻偶因兵  
敗不生還飄零身世輕於葉磊落襟懷重似山半夜  
愁吟珠海寺幾回夢墮鬼門關憑君獨有衣相寄為  
我招魂宇宙間數日賊擁清至城下使諭衆開門降  
清罵賊不絕口遂遇害朝廷憫之加子爵二級清善  
律詩所著有建囊集行于世

羅紳宜春人天順初知廉州石康縣清介公勤後西  
寇流劫入縣治紳苦戰力不能支為賊所繫奮罵曰  
朝廷命我封疆今日城陷分死而已爾賊何為遂遇  
害民間之迎其喪家祭巷哭如喪考妣先時其子鑑  
後紳會兵于博白遇賊諸塗亦苦戰被害知府饒秉  
鑑嘉其一門忠孝特為作傳

夏則中武昌人洪武二十二年以監生知興寧縣值  
寇周三之亂民死徙殆盡稍有子遺者又以官兵壓  
境將罹昆岡之焚則中率鄉老愬於總兵官始免橫  
酷後仍以凶年則中發廩勸分彫孳復生初則中招  
携流亡欲集矣病官田稅重莫肯承籍則中請以官  
田減同民產定賦從之遂以安業民感切骨久而不

志父老相傳則中請減稅于 朝犯天威寘之極刑  
至今人誅道其事惜諸志不紀其實云

毛吉字宗吉餘姚人景泰甲戌進士天順五年拜廣  
東按察司僉事時廣城以西流賊殺掠居民殆盡其  
東幸無事而豪宗大戶武斷吞併吉分巡惠潮悉痛  
懲之豪右斂迹適程鄉賊餘黨作亂吉督戰擒之又  
分巡雷廉高三郡民為賊殺掠數百里無烟火吉又  
悉平之以平賊功陞本司副使仍降 勅獎諭委以  
一方邊務時新會告急吉率都指揮焦用指揮孫壁

等官軍三千人又得民之自效者近萬人行至火礮  
與賊遇戰破之獲首二十餘級乘勝追至雲岫山去  
賊營十餘里時二鼓乃號召諸將曰賊營後山箐而  
前畝田左右皆山隴若敗必遯入後山爾等明日兩  
哨進據後山我以精銳衝其中合擊之賊可盡擒也  
約黎明進兵是夜無星月遂至後期不得已三哨齊  
進賊果敗走上後山吉命潘百戶者帥精壯千人據  
賊營賊多遺財物軍民競取之賊據高瞭軍士有爭  
奪者遂擁衆馳下刺殺潘軍士皆自營門擁出賊自

後追之遂奔潰吉勒馬持刀大呼曰劊駐衆以執潰  
不可復從吏廖振等勸吉姑避以圖再舉吉曰吾誓  
不與此賊俱生汝等亟走勿顧我言未已賊七八人  
持鎗趨吉吉且罵且敵猶手劊斬賊斷一人臂力支  
不能遂被害是日雷雨大作山谷皆震動連日陰晦  
又八日始得吉屍面貌如生兒歸廣城官吏士民涕  
哭者相屬事聞贈吉通議大夫廣東按察使謚忠襄  
錄其子科為國子生後亦至按察副使

外史氏槩曰予聞之忠者中也臣之鵠也臣而  
非忠失其正鵠矣何以爲臣哉先代之臣秉鉞  
持衡于百粵中弗少獨三忠祠宇巋然與霄漢  
竝峙夫非各死其義以成其忠乎是故慷慨動  
王從容就義畢志宋室成仁燕市文文山氏之  
烈也儼然正笏浩然詭書朝服負帝同歸于海  
陸君實氏之節也獎率三軍艱關百戰崖山之  
厄赴海而歿張樞密氏之勇也其死不同其忠  
一也其洵足植萬古之綱常哉他若漢終軍奉  
使持節而殞宋尹虞倡義討跋而敗虞授死於

郭馬之亂劉勛沒于休範之難李迨寧斷腕不  
草巢表韓浩牛服鑕不受偽命蘇緘張忠守志  
不屈趙師旦顏公哀罵賊而斃曹覲不拜智高  
虞李不畏強敵史寅仲樓海之歿于戰毛炳趙  
善鏃之殞于職鄭勳之正色叱賊曾逢龍之正  
冠自盡張應科之死於夏趙與珞之死於冬各  
不違其心也徐宗仁劉昂孫茅相之赴海高桂  
張烈良賴天賦之被戮各不絀其志也袁天與  
初偕謝昌言趙孟頫約同死而天與獨殘之

吁彼有問飼猪者視孟頫輩何代無賢哉我

明旌忠之典比昔獨隆死義之臣時未多得若王  
清死于蕭養之難羅紳死于西寇之劫毛吉死  
于火礚之役皆死其職也而夏則中疏請減稅  
被置極刑豈不悲耶攷之 國初楚青文勝為  
龍陽尉上疏輕稅自殞于登聞鼓下

上憫之贈官賜謚今猶廟祀奕奕未艾也時未有  
為則中請此青忠惠公之例者何以勸忠耶書  
以伺之



六朝檀和之

宗慤

陳伯紹

周鉄虎

歐陽頤

隋常洸

慕容藏

裴矩

樊子盖

鄧文進

唐韓翊

常宙

劉知謙

宋潘美

王明

許仲宣

李崇矩

杜杞

狄青

王罕

孔延之

程師孟

連南夫

潘時

劉黻

明廖永忠

陸仲亨

花茂

趙庸

華高

危止

陶魯

歐磐

武鸞

程鑒

陸賈楚人也以客從高祖定天下名有口辯居左右  
 常使諸侯時中國初定尉佗平南越因王之高祖使  
 賈賜佗印為南越王賈至尉佗魑結箕踞見賈賈因  
 說佗曰足下中國人親戚昆弟墳墓在真定今足下  
 反天性棄冠帶欲以區區之越與天子抗衡為敵國

禍且及身矣夫秦失其正諸侯豪傑並起唯漢王先  
入關據咸陽項籍背約自立為西楚霸王諸侯皆屬  
可謂至疆矣然漢王起巴蜀鞭笞天下劫諸侯遂誅  
項羽五年之間海內平定此非人力天之所建也天  
子聞君王王南越而不助天下誅暴逆將相歆移兵  
而誅王天子憐百姓新勞苦且休之遣臣授君王印  
剖符通使君王宜郊迎北面稱臣乃歆以新造未集  
之越倔強於此漢誠聞之掘燒君王先人家墓夷其  
宗族使一偏將將十萬衆臨越即越殺王降漢如反  
覆手耳於是佗迺蹶然起坐謝賈曰君蠻夷中又  
失禮義因問賈曰我孰與蕭何曹參韓信賢賈曰王  
似賢也復問曰我孰與皇帝賢賈曰皇帝起豐沛討  
暴秦誅強楚為天下興利除害繼五帝三王之業統  
天下理中國政由一家自天地剖判未始有也今王  
衆不過數萬皆蠻夷崎嶇山海間譬如漢一郡王何  
乃比於漢佗大說賈留與飲數月曰越中無足與語  
至生來令我日聞所不聞賜賈橐中裝直千金佗送  
亦千金賈卒拜佗為南越王令稱臣奉漢約歸報高

帝大說拜賈為太中大夫孝文即位欲使人之南越丞相平乃言賈為太中大夫往使尉佗去黃屋稱制令北諸侯皆如意指語在南越傳賈兩奉使所著有南越行紀言羅浮山巔有湖嘉植環之南越花有芳香者移自海國不隨水土而變與夫橘化為枳異矣又嘗與佗汎舟端溪登錦石而燕山下有陸大夫祠粵人至今歲時祭之

路博德西河平周人初為右北平太守元狩四年匈奴入右北平上令從驃騎將軍霍去病出師丁卯以功封邳離侯後遷衛尉元鼎五年秋南越叛去病已死乃以博德為伏波將軍同楊僕往討之師出咸陽分五路博德次于桂陽以俟漢使終軍久之南粵殺漢使乃下湟水時南越王建德方遣二使者往主交趾九真二郡到合浦遇漢兵二使者齎牛百頭酒千鍾及二部民戶口簿詣博德降博德即拜二使者為交趾九真二郡太守主諸雜將治民如故駱民大說交裔置守自博德始也博德所將罪人道遠後期與僕會番禺廼有千餘人分居西北面建德與相呂嘉



皆城守而僕自東南面攻敗粵人縱火燒城粵素聞  
伏波名日莫不知其兵多少博德迺為營遣使招降  
者賜印綬復縱令相招於是粵人方苦兵燹皆反毆  
隨將軍畢取入伏波營中歸附南海太守棄復以越  
邑降遲旦城中皆降于博德嘉與建德以夜與其屬  
數百人亡入海博德又問降者知嘉所之遣人追捕  
其校司馬蘇弘生獲建德于東江粵郎孫都追及嘉  
嘉與格鬪都稽得嘉斬其首以獻粵同姓王光揭陽  
令史定聞漢兵至及粵桂林監翁聞漢兵破番禺  
告甌駱民四十餘萬口皆降五年三月壬午論功  
歸附者博德仍舊侯惟益封六百戶前擊南越者校  
尉摎樂韓千秋皆死事封樂子廣德為襲侯千秋子  
延年為成安侯故南海太守棄子嘉為涉都侯建德  
為衍陽侯趙光為隨桃侯畢取為滕侯蘇弘為海常  
侯孫都為臨蔡侯史定為安道侯若翁為湘成侯博  
德封侯十五年有子不肖太初元年坐見知子犯逆  
不道罪免久之上念博德功以為疆弩都尉屯居延  
卒今連州祠博德湟水上云

馬援字文淵扶風茂陵人也輔光武中興為虎賁中  
郎將帝嘗言援論兵與我意合建武十七年交趾女  
子徵側與女弟徵貳反攻沒其郡九真日南合浦蠻  
夷皆應之寇畧嶺外六十餘城於是璽書拜援伏  
將軍副以扶樂侯劉隆督樓船兵遂緣海而進隨山  
刊道千餘里十八年春軍至浪泊山上與賊戰大破  
之明年正月斬徵側徵貳傳首洛陽封援為新息侯  
進擊九真賊徵側餘黨都降斬獲五千餘人嶠南悉  
平立銅柱為漢之極界往來南海撫定珠崖創建  
郭置井邑立珠崖縣二十年秋振旅還京師援好  
善別名馬得駱越銅鼓乃鑄為馬式上之二十四年  
擊武陵五溪蠻夷至壺頭病卒年六十二初援在交  
趾常餌薏苡實用能輕身省慾以勝瘴氣南方薏苡  
實大援欲以為種軍還載之一車人以為南土珍怪  
權貴皆望之援時有寵故莫以聞及卒後有上書譖  
之者以為前所載還皆明珠文犀馬武與於陵侯昱  
等皆以章言其狀帝益怒援妻孥惶懼不敢以喪還  
舊塋裁買城西數畝地槨葬而已建初三年肅宗使

九真太守 卷八  
五官中郎將持節追策謚援曰忠成侯今雷瓊二郡  
多祀路博德及援為伏波祠報其功也

夏方九江人順帝永和中以才能歷仕至交趾刺史  
初日南蠻夷作亂九真太守祝良與刺史張喬招降  
之喬遷去日南復與九真相煽動建康元年方開恩  
招誘賊皆降服時梁太后臨朝羨方之功遷為桂陽  
太守離去行部甫十載永壽三年居風令以貪暴激  
變朱達等於是九真日南大亂延熹三年復以方為  
交趾刺史方恩威久著宿賊二萬餘人悉解甲詣方

降嶺表以安

陳茂字君因汝南人容止儼恪鬚眉甚偉客仕蒼梧  
為交趾別駕舊令刺史行部不涉漲海永和中盜賊  
起日南九真海濱皆震刺史周敞涉海遇風船欲覆  
沒茂拔劍訶罵水神風即止息南海塗人望之以為  
神明莫不畏仰後遷荊州刺史先是茂客仕還時不  
入宛城引車到城東友人衛脩家見脩母婦說脩坐  
事繫獄當死茂詣南陽太守灌恂延請赦解即時出  
脩及泣荆部彈繩不撓脩竟極罪恂亦以事去南陽

疾惡殺脩士大夫為之語曰衛脩有事陳茂治之衛  
脩無事陳茂殺之蓋譽其公正也

度尚字博平山陽湖陸人也少喪父事母至孝通京  
氏易古文尚書拜郎中為吏清絜有文武才畧受知  
於刺史朱穆參遷右校令延熹五年長沙零陵賊自  
桂陽攻沒梧南海交趾三郡交趾刺史奔遁時穆為  
尚書應詔舉尚為荊州刺史尚至州先攻宿賊於桂  
陽賊皆畏威逃徙尚窮追數百里遂入南海破其三  
屯出兵三年群寇悉定七年封右鄉侯遷桂陽太守

明年徵還京師桂陽賊復起於是以尚為中郎將討  
平之復以尚為荊州刺史尋徵詣廷尉後為遼東太  
守卒尚進善愛人坐以待旦擢門下書佐朱儁至顯  
位每見儁舉措恒歎述之以為有不允之操儁後至  
車騎將軍有功交趾遠近竒尚有知人之鑒

步騭字子山臨淮淮陰人也世亂避難江東單身窮  
困以種瓜自給晝勤四體夜誦經傳孫權為討虜將  
軍召騭為主記除海鹽長歲餘以疾免游吳中還辟  
車騎將軍東曹掾及權為徐州牧以騭為治中從事

舉茂才建安十五年出領鄱陽太守歲中徙交州刺  
又立武中郎將領武射吏千人便道南行吳中舊游  
聞之曰步子山自此功業日閔矣明年追拜使持節  
征南中郎將劉表所置蒼梧太守吳陰懷異心外附  
內違嚙降意懷誘請與相見因斬狗之威聲大震交  
趾太守士燮兄弟相率供命南土之賓自此始也初  
州治在番禺城南五十里西接牂牁末流沮洳難居  
二十二年嚙徙治尉佗故都築立城郭民用綏集會  
益州因士燮內附嚙承制遣使宣恩撫納由是加拜

平戎將軍封廣信侯延康元年權遣呂岱代嚙嚙將  
交州義士萬人出長沙會劉備東下零陵桂陽諸郡  
猶相驚擾到處阻兵嚙周旋征討皆平之黃武二年  
遷右將軍改封臨湘侯赤烏九年代陸遜為丞相猶  
誨育門生手不釋卷出督西陵二十年鄰敵敬其威  
信性寬弘得衆喜怒不形於聲色而內外肅然十一  
年卒子協嗣

士燮字威彥蒼梧廣信人也其先本魯國汶陽人至  
王莽之亂避地交州六世至燮父賜桓帝時為日南

太守燮少游學京師事潁川劉子奇治左氏春秋察  
孝廉補尚書郎公事免官父賜喪闋舉茂才除巫令  
遷交趾太守弟壹初為都督郵刺史丁宮徵還京都  
壹侍送勤恪宮感之臨別謂曰刺史若待罪三事當  
相辟也後宮為司徒辟壹比至官已免黃琬代為司  
徒甚禮遇壹琬與董卓相忌害而壹盡心於琬卓惡  
之乃署教曰司徒掾士壹不得除用故歷年不遷會  
卓作亂入關壹乃亡歸鄉里交州刺史朱符為夷賊  
所殺州郡擾亂燮乃表壹領合浦太守次弟徐聞令

勸領九真太守勸弟武領南海太守燮體器寬厚謙  
虛下士中國士人往依避難者以百數耽玩春秋為  
之注解陳國表徽與尚書令荀彧書甚見稱譽武先  
病沒獻帝聞張津死賜燮璽書進綏南中郎將董督  
七郡領交趾太守如故時天下喪亂交州貢職不廢  
復詔拜安遠將軍封龍度亭侯後奉步騭節度孫權  
加左將軍質其子廡燮在郡四十餘歲黃武五年年  
九十卒

呂岱字定公廣陵海陵人也為郡縣吏避亂南渡隸

孫權幕府處法應問甚稱權意延康元年代步騭為  
交州刺史到州高涼賊帥錢博乞降岱因承制以博  
為高涼西郡都尉又桂陽浚陽賊王金合衆於南海  
界上首亂為害權又詔岱討之生縛金傳送詣都擒  
馘萬餘人遷安南將軍假節封都鄉侯交趾太守士  
燮卒燮子徽據交州岱表分海南三郡為交州以將  
軍戴良為刺史海東四郡為廣州岱自為刺史奮擊  
徽大破之進封番禺侯於是除廣州復為交州如故  
岱既定交州復平九真諸賊遣從事南宣國化

諸國各遣使奉貢權嘉其功進拜鎮南將軍黃龍二  
年南海賊羅厲與廬陵李桓等群寇並起權復詔岱  
督劉纂唐咨等分部討擊厲桓等皆見斬獲傳首詣  
都尋拜交州牧時蒲圻賊廖式作亂攻沒城邑岱攻  
討一年又破之徵還武昌時年已八十矣初在交州  
歷年不餉妻子饑乏權聞之歎息以讓群臣曰呂岱  
出身萬里為國勤事家門內困而孤不早知股肱耳  
目其責安在於是加賜錢米絹歲有常限太平元年  
卒年九十六子凱嗣

陸胤字敬宗吳人與兄凱齊名凱赤烏中除儋耳太守同將軍聶友討朱崖斬獲有功遷建武校尉歷官左丞相胤始為御史尚書選曹郎赤烏十一年九真夷賊猖獗攻沒城邑以胤為交州刺史安南校尉有趙嫗者年長不嫁入山聚群盜自為首領遂攻郡果敢善戰常著金跣跣戰退輒張帷幕少男數十侍側胤入南界集交廣兵喻以恩信務崇招納高涼渠黨等皆降趙嫗亦平交域清泰就加安南將軍永安元年徵為西陵督封都亭侯常提兵在外中書丞華

表薦胤曰胤天資聰明才通行潔昔歷選曹遺跡可紀還撫安州奉宣朝恩流民歸附海隅肅清南海歲有颶風瘴氣之害自胤至州風氣絕息商旅平行民無疾疫州治臨海海流秋鹹胤又畜水民得井食惠風橫被化感人神宜在輦轂股肱王室邊江任輕不盡其才孫皓不能用今南海城北井溪胤所浚也胤雅善著述所撰有廣州先賢傳行于世

滕脩字顯先南陽西鄂人也仕吳為將帥封西鄂侯孫皓時代熊陸為廣州刺史甚有威惠徵為執金吾



廣州部曲督郭馬等為亂皓以修宿有威惠為嶺表  
所仗以為使持節都督廣州軍事鎮南將軍廣州牧  
以討之未尅而晉師伐吳脩率眾赴難至巴丘而皓  
已降乃縞素流涕而還與廣州刺史閻豐蒼梧太守  
各送印綬詔以脩為安南將軍廣州牧持節都督如  
故封武當侯加鼓吹委以南方事脩在南積年為邊  
夷所附太康九年卒請葬京師帝嘉其意賜墓田一  
頃謚曰聲脩之子並上表帝乃賜謚曰忠並子含初  
為庾冰輕車長史討蘇峻有功封夏陽縣開國侯

千六百戶授平南將軍廣州刺史在任積年甚有威  
惠世濟其美廣人稱之會林邑陷日南攻九真征西  
督護滕峻率交廣之兵往禦反為所敗升平末含率  
眾伐之林邑王范佛懼請降含與盟而還卒謚曰戴  
王毅長沙人少以學行被州郡辟仕至蒼梧太守惠  
帝元康中遷平越中郎將廣州刺史在位甚得民情  
朝政方亂嶺表賴毅以安妖賊張昌作亂使其黨石  
冰寇揚荆攻陷長沙太安二年冬毅子南平內史矩  
與前吳興內史顧祕丹楊葛洪等起兵討冰冰烏合

之衆所向無敵賊多應之廣陵度支陳敏以少擊衆  
遂擊滅冰矩乃散衆還家東海王越以敏為右將軍  
敏自謂勇畧無敵遂據歷陽以叛自稱楚公江揚震  
蕩時荊州兵擒斬張昌矩與有功又從順陽太守張  
光帥步騎詣荊州討敏南越險遠毅以家國為憂遂  
發病永興二年卒于廣州時敏弟恢犯廬陵矩與弟  
機率兵南討擊恢破之會江東兵亦誅敏光熙元年  
鎮南將軍劉弘表稽含代毅會含為弘司馬郭勳所  
害朝廷以矩前功除廣州刺史矩守令式羨安容每  
出游觀者盈路初為內史進太守以功遷及至州上  
言醴泉令虞潭嘗起兵斬張昌有功遂領廬陵太守  
綏撫荒餘咸得其所竟平陳恢之亂矩視事月餘以  
勞瘁卒

鄧嶽字伯山陳郡人也本名岳以犯康帝諱改為嶽  
後竟改名為岱焉少有將帥才略為王敦叅軍轉後  
事申郎西陽太守王含之亂嶽領兵隨之及含敗奔  
蠻王向蠶洞中後遇赦乃出久之司徒王導命為從  
事申郎後復為西陽太守及蘇峻反平南將軍溫嶠

遣嶽與督護王愆期鄱陽太守紀睦等率舟軍赴難  
峻平還郡郭默之殺劉胤也大司馬陶侃使嶽率西  
陽之衆討之默平遷督交廣二州軍事建武將軍領  
平越中郎將廣州刺史假節錄前後勲封宜城縣伯  
咸康三年嶽遣西江督護王隨等督軍伐夜郎興古  
皆破之未下五年嶽將兵擊之建寧太守孟彥執其  
刺史霍彪以降朝廷嘉嶽加督寧州進征虜將軍遷  
平南將軍卒子遐嗣弟逸字茂山亦有武幹嶽卒後  
以逸監交廣州建威將軍平越中郎將廣州刺史假  
節兄弟著名南裔時人榮之

孫處字季高會稽永興人也籍注季高故以字行少  
任氣樂義從劉裕東征孫恩及平定京邑以為振武  
將軍封新夷縣五等侯廣固之役先登有功盧循之  
難於石頭扞柵戍越城查浦破賊於新亭裕謂季高  
曰此賊行破應先傾其巢窟令奔走之日無所歸計  
非卿莫能濟事遣季高率衆三千汎海襲番禺初賊  
不以海道為防季高至東衝去城十餘里城內猶未  
知循守戰士猶有數千人城池甚固季高先焚舟艦

悉力登岸會天大霧四面陵城即日克拔循父擬長  
史孫建之司馬虞廼夫等輕舟奔始興即分遣振武  
將軍沈田子等討平始興南康安嶺表諸郡循於左  
里奔走而衆力猶盛自嶺道還襲廣州季高拒戰二  
十餘日循乃破走所殺萬餘人追奔至鬱林會病不  
得窮討循遂得走向交州義熙七年四月季高卒於  
晉康時年五十三追贈龍驤將軍南海太守封侯官  
縣侯食邑千戶九年裕為太尉表季高之功重贈交  
州刺史將軍如故子宗世卒子欽公嗣欽公卒子彥

祖嗣齊受禪國除

檀和之高平金鄉人父憑積有軍功和之智畧尤著  
文帝嘗稱其有將才元嘉十六年為始興內史在郡  
課耕桑靖獄市吏治明果境內肅然士民敬之會交  
州立宋隆郡工役未竣二十年冬十二月庚午詔以  
和之為交州刺史蒞事留意足民民忘工築之勞乃  
更練武會林邑王陽邁貢獻陋薄而寇盜不已文帝  
忿其違傲二十三年以和之為龍驤將軍領交廣兵  
及振武將軍宗慤伐之和之遣司馬蕭景憲為前鋒

陽邁聞之懼欲輸金一萬斤銀十萬斤銅三十萬斤  
還所畧日南戶其大臣善僧達諫止之乃遣大帥范  
扶龍戍其北界區粟城景憲攻城克之乘勝入象浦  
陽邁以具裝被象來拒慤製獅子形禦之象果驚奔  
遂克林邑陽邁父子並挺身逃奔獲其珍異皆是未  
名之寶又銷其金人得黃金數十萬斤和之既克遠  
夷益自謙慎以餘財頒及交廣軍士捷聞召還以功  
封雲杜子景憲代刺交州二十四年冬十月和之南  
還至豫章值豫章民胡誕世反殺太守檀隆之起之

討誕世平之孝建三年為南交州刺史坐事免官病  
卒追贈左將軍謚曰襄子和之歷仕所至有威名盜  
賊屏迹每出獵猛獸伏不敢起云

宗慤字元幹南陽涅陽人叔父少文高尚不仕慤年  
少言志曰願乘長風破萬里巨浪少文曰汝富貴人  
也慤任氣好武不為鄉曲所知隨江夏王義恭鎮廣  
陵輔國上軍將軍元嘉二十二年伐林邑語在檀和  
之傳既克林邑珍寶不可稱計慤一毫無犯惟有被  
梳枕刷此外蕭然三十年伐逆有功孝武即位以為

廣州刺史時桂陽太守何亮助南郡王義宣為逆愨  
收亮斬之後遷豫州監五州諸軍事先是鄉人庾業  
家富豪侈候服玉食與賓客相對膳必方丈而為愨設  
粟飯菜菹謂客曰宗軍人素噉麤食愨致飽而退初  
無異辭至是業為愨長史待之甚厚人服其量後刺  
雍州加都督卒贈征西將軍謚曰肅侯

陳伯紹潁川人晉南渡家于吳興遂為吳興人伯紹  
少勇智英發事廣州刺史袁曇遠為偏裨討始興劉  
嗣祖破之及歸宋明帝官龍驤將軍泰始四年妖人

劉思道作逆進攻廣州殺刺史羊希嶺海大震東官  
太守蕭惠徽與戰敗死伯紹領西江兵討思道誅之  
遂代守東官為西江都護以合浦北界夷僚叢居隱  
伏巖障寇盜不賓畧無編戶乃帥兵二千人獵于北  
地見二青牛驚走入草使人逐之不得乃誌其處云  
此地當有奇祥啓立為越州明帝命為交州刺史使  
經營焉七年始置百梁龍蘇永寧安昌富昌南流六  
郡割廣交朱贛三郡來屬元徽二年以伯紹為刺史  
督交越二州軍事始立州鎮穿山為城門以保邊境

俗呼為青牛城伯紹恩惠及民威服俚僚土有瘴氣  
殺人漢世交州刺史每暑月輒避處高故交土調和  
越瘴獨甚刺史常事戎馬唯以勦伐為務至是風上  
漸變編戶漸繁民甚德之伯紹卒民為立祠于今郡  
治東北三十里以與陳霸先同族霸先受禪嘗尊為  
王故謂之陳王祠

周鉄虎不知何許人也梁世南渡語音愴重膂力過  
人便馬槩事梁河東王蕭譽以勇敢聞譽拔為府中  
兵叅軍及為廣州刺史以鉄虎為興寧令及譽遷相  
州又為臨蒸令侯景之亂元帝於荊州遣世子方等  
代譽且以兵臨之譽拒戰大捷方等死鉄虎功最譽  
委遇甚重及王僧辯討譽於陣獲鉄虎僧辯命烹之  
鉄虎呼曰侯景未滅柰何殺壯士憎辯竒其言乃宥  
之還其麾下及侯景西上鉄虎從僧辯克任約獲宋  
子仙每戰皆有功元帝承制授仁威將軍潼州刺史  
紹泰二年遷散騎常侍嚴威將軍太子左衛率尋隨  
周文育於南江拒蕭勃恒為前軍文育又命鉄虎偏  
軍於苦竹灘龍襲勃前軍歐陽頔又隨文育西征王琳

於沌口敗績鐵虎與文育侯安都並為琳所擒琳引見諸將與之語唯鐵虎辭氣不屈故琳盡宥文育輩惟獨鐵虎見害時年四十九高祖聞之下詔褒贈配食廟庭

歐陽頴字靖世長沙臨湘人少質直有思理言行著於嶺表州郡頻辟不應廬於麓山寺專精習業博通經史嘗隨廣州刺史蘭欽征討擒陳文徹所獲不可勝計獻大銅鼓梁代所無頴預其功還為直閣將軍欽征交州復啓頴同行欽卒於廣頴除臨賀內史啓

乞送欽喪然後之任討廣衡二州山賊有功累遷衡州刺史蕭勃平以為廣州刺史初交州刺史袁曇緩密以金五百兩寄頴以百兩還合浦太守龔薦為四石兩付兒智矩余人弗之知頴尋為蕭勃所破貲財並盡唯所寄金獨存曇緩亦卒至是頴並依信還之人莫不嘆服頴威震南土能助軍國天嘉四年卒于廣州

常洸字世穆京兆杜陵人常世康之子也性剛毅有器幹少便弓馬仕周釋褐主寢上士高祖為丞相從



季父孝寬擊尉遲迥於相州以功拜柱國進封襄陽  
郡公邑二千戶及陳平拜江州總管率騎二萬略定  
九江陳豫章太守徐璿猶持兩端洸遣開府呂昂長  
史馮世基以兵相繼而進既至城下璿偽降其夜率  
所部二千人襲擊昂昂與世基迎擊大破之竟擒璿  
於陣高梁女子洸氏率衆迎洸遂進圍嶺南上遣洸  
書曰公鴻勳大業名高望重率將戎旅撫慰彼方風  
行電掃感應稽服若使干戈不用兆庶獲安方副朕  
懷是公之力至廣州詭陳渝州都督王猛下之嶺表

肅定上聞而大悅許以便宜從事洸所綏集二十四  
州拜廣州總管歲餘番禺夷王仲宣聚衆為亂以兵  
圍洸洸勒兵拒之中流矢而卒贈上柱國賜錦綉萬  
段謚曰敬子協嗣

慕容三藏燕人也父紹宗齊尚書左僕射三藏幼聰  
敏多武畧開皇九年奉詔持節涼州道黜陟大使其  
年嶺南酋長王仲宣反圍廣州詔令柱國將軍襄陽  
公常洸為行軍總管三藏為副洸至廣州與賊交戰  
為流矢所中卒詔令三藏檢校廣州道行軍事十年

賊衆四面攻圍三藏固守月餘城中糧少矢盡三藏  
以為不可持久遂自率驍銳夜出突圍擊之賊衆敗  
散廣州獲全以功授大將軍賜奴婢百口加以金銀  
雜物酬其功也

裴矩字弘大絳州聞喜人奉詔巡撫嶺南時俚帥王  
仲宣逼廣州遣別圍東衡州矩與將軍鹿原赴之賊  
立九壁屯大庾嶺矩進擊破之賊懼釋東衡州據原  
長嶺又擊破之斬其帥自南海趣廣州仲宣懼潰去  
綏集二十餘州又承制置其渠帥為刺史縣令及還

報上大悅命升殿勞苦之顧謂高頴楊素曰帝洗心  
二萬兵不能早度嶺裴矩以三千弊卒徑至南康有  
臣若矩朕亦何憂以功拜開封府賜爵聞喜縣公

薛世雄字世英河東汾陰人以戰功累遷儀同三司  
右新衛車騎將軍煬帝嗣位番禺夷獠相聚為亂詔  
世雄討平之遷右監門郎將世雄性廉謹凡所以行  
軍破敵之處秋毫無犯帝嘉之謂群臣曰世雄廉正  
節槩有古人之風超拜右翊衛將軍

樊子蓋字華宗廬江人事隋高祖平陳有功官至齊

州刺史轉循州總管許以便宜從事十八年入朝奏  
嶺南地圖賜以良馬雜物各統四州令還任所遣光  
祿少卿柳謩之餞於壩上煬帝即位徵還京師轉涼  
州刺史子蓋言於帝曰臣一居嶺表十載於茲犬馬  
之情不勝戀戀願趨走闕庭萬死無恨帝賜物三百  
段慰諭遣之後除民部尚書有軍功進爵為濟公言  
其功濟天下特為立名無此郡國也卒年七十有二  
子蓋無他權畧在軍持重未嘗負敗臨民明察下莫  
敢欺然掌軍旅時果於殺戮云

鄧文進南陽人其祖徙家廣州素雄于財至文進獨  
折節讀書以故士之流徙者競趨其門文進皆館穀  
之賓客至千餘人因擇其勇畧者使扞鄉井俚尚夷  
獠聞風悚服役屬唯謹隋大業中為韶州刺史移州  
治於武水西宇文化及弑煬帝于江都盜賊布滿天  
下五嶺大擾文進散財集兵以赴難旬月之間衆數  
萬掠地至始興時賊帥林士弘據虔饒兵不克進與  
戰輒敗於是保有廣韶二州歸之者如市豪酋楊世  
畧據循潮馮盎據高羅竇長真據欽廉諸郡文進皆

通書使以生民為念定盟同歸于好百粵之境得逸於兵革者文進之力也無何士弘稱帝遣使至番禺授諸帥以偽官文進獨不受梁主蕭銑遣兵徇嶺南攻樂昌甚急文進率邑人拒守扼其鋒使不得進唐高祖武德五年諸帥次第納款是年四月戊寅文進遂統所部降高祖賜敕獎勞之即拜鷹揚將軍累立戰功卒初理郡時嚴重有威為吏民所畏每戰必身先士卒或奮臂一嘖風雲變色軍中謠曰鄧守嘖百夫避途言其勇也沒後多著靈響郡人為之立廟祀

于樂昌我 明景泰初給事中白瑩疏言文進於韶有保鄣功請加美謚奉 旨賜謚忠襄後以文進配享

張文獻公祠

韓翊字宏肱并州晉陽人少治兵家天寶中授翊衛尉羽林軍宿衛擢才兼文武科大曆中擢經略使初安祿山亂詔嶺南兵隸南陽魯炅炅敗績衆奔潰谿洞夷獠相挺為亂夷酋梁崇牽號平南都統與別帥覃問合又與西原賊張侯夏承更誘扇因陷城邑遂據容州前經畧使陳瑋長孫緒等皆僑治藤梧翊至

言於衆曰我容州刺史安可客治他所必得容乃止  
即出私財募士有功者許署吏於是人自奮不數月  
斬賊帥歐陽珪因至廣州請節度使李勉出兵併力  
勉不許曰容陷賊久獠方疆全速攻祗自敗耳胡曰  
大夫郎不出師願下書州縣陽言以兵為助冀藉此  
聲成萬一功勉許諾胡乃移書義藤二州刺史約皆  
進討引兵三千與賊鏖戰日數遇勉檄止之輒匿不  
發戰愈力卒破賊禽崇牽悉復容州故地捷書聞詔  
更置州以定餘亂胡凡百餘戰禽首領七十覃問道  
去復遣將李寔等分討西原平鬱林等諸州累兼御  
史中丞招討處置使會哥舒晃反胡命寔悉師援廣  
州問因合衆乘間來襲胡設伏擊之生禽問嶺表平  
代宗遣使慰勞加金紫光祿大夫賜第京師貞元十  
八年卒贈尚書右僕射謚曰肅

常宙京兆萬年人周大司空孝寬之後父丹觀察江  
西元和時以循吏聞宣宗問宰相以治民孰為第一  
周墀以丹對乃詔觀察使紇干裒上丹功狀命刻功  
于碑又問墀曰丹有子否以宙對帝曰與好官時宙

由推蔭累調河南府錄事參軍郎召拜侍御史後刺  
永州有異政還為大理少卿久之拜江西觀察使政  
簡易南方以為世官遷嶺南節度使南韶陷交趾撫  
兵積備以幹聞加檢校尚書左僕射同中書門下平  
章事宙益嚴師旅招徠流移俚俗婚姻喪葬禁誨以  
禮嶺表種落莫不信悅咸通中卒宙弟岫字伯起亦  
有名宙在嶺南以從女妻小校劉謙或諫止之宙曰  
吾子孫或當依之謙後以功為封州刺史生二子即  
隱龔果開霸業帝氏之族賴以為安

劉知謙壽州上蔡人避亂客封州為清海牙將節度  
使帝宙以兄女妻之衆謂不可宙曰若人狀貌非常  
吾以子孫託之黃巢自嶺表北還湖湘間群盜蟻結  
知謙因據封州有詔即授刺史兼賀水鎮使以遏梧  
桂知謙撫納流亡愛畜用度養士卒未幾得精兵萬  
人多具戰艦境內肅然久之疾病召諸子曰今五嶺  
盜賊方興吾有精甲犀械爾勉建功時哉不可失也  
知謙卒共推其子隱為嗣清海軍節度使劉崇龜表  
為封州刺史嗣薛王知柔代領節度未至而牙將盧

琚叛隱率兵奉迎知柔直趨廣州禽琚獻之於是知  
柔以聞昭宗拜隱本軍行軍司馬俄遷副使天復初  
節度徐彥若死隱自稱留後虔人盧光稠者有衆數  
萬據州自為留後又取韶州隱與爭之戰不勝悉師  
攻虔州光稠伏軍掉戟隱縱驅伏發挺身免天祐初  
始詔隱權節度留後乃遣使者入朝重賂朱全忠以  
自固是歲光稠死子延昌自稱刺史為其下所殺更  
推李圖總州事圖死鍾傳盡劫其衆欲遣子匡時守  
之不克州人自立譚全播為刺史附全忠云

潘美字仲詢大名人父璘以軍校戍常山美少倜儻  
隸府中典謁嘗語人曰大丈夫當因亂世立功名而  
碌碌與萬物共盡可羞也事周世宗補供奉官至引  
進使宋太祖遇美素厚累遷至潭州防禦使開寶三  
年征嶺南以美為行營都部署尹崇珂副之師至州  
劉鋹遣兵萬餘衆來援美逆戰於南鄉賊衆大潰遂  
平賀州又下昭桂連三州西江諸州以次降美以功  
移南面都部署進兵至韶州又敗其衆十餘萬韶州  
遂拔斬獲數萬計鋹窮蹙四年二月遣其臣王珪詣

軍門求通好又遣其左僕射蕭灌中書舍人卓惟休  
奉表乞降美因諭以上意以為彼能戰則與之戰不  
能戰則勸之守不能守則諭之降不能降則死不能  
死則亡非此五者他不得受美即今殿直冉彥袞部  
送灌等赴闕錕復遣其弟保興率衆拒戰美率勵士  
卒兼程趨柵頭距廣州百二十里錕衆十五萬依山  
谷堅壁以待美因築壘休士與諸將計曰彼編竹木  
為柵攻之以火彼必擾亂因以銳師夾擊之萬全之  
策也遂分遣丁夫數千人持二炬間道造其柵及  
夜萬炬俱發會天大風火勢甚熾錕衆驚擾遂來犯  
美揮兵急擊之錕衆大敗斬數萬計長驅至廣州錕  
盡焚其府庫遂克之擒錕送京師露布以聞即日命  
美與崇珂同知廣州兼市舶使五月拜山南節度使  
土豪周思瓊作亂遣將校劉謙討平之嶺表遂安初  
南中身丁錢甚重雖婦女不免乃奏罷之終檢校太  
師同平章事卒年六十七贈中書令謚武惠子惟熙  
惟熙之女為真宗皇后一時貴盛罕儷焉

按宋史潘美本傳云子惟熙其女為真宗皇后而



傳末附載禁卒李超常從美征討其子濬知名則  
濬乃超之子也而通志直以濬為美之子繫于美  
傳之後乃畧惟熙而不書何其錯繆至此耶今改  
正之

王明字如晦大名成安人自晉迄周歷仕藩鎮至縣  
令宋初荆南高繼冲入覲授彭城節鉞以明為寧軍  
節度掌書記乾德初召公卿近臣各舉清白有吏幹  
者一人給事中馬士元以明塞詔召為左拾遺蜀平  
選知榮州代福遷右補闕會用兵於嶺南選為荆湖

轉運使開寶三年大舉南征以明為隨軍轉運使山  
路險絕舟車不通但以丁壯數萬人轉遞供億不闕  
每下一郡一城先保其簿書守其倉庫既而賀州未  
下八與主帥計業乃擐甲胄率所部護送輜重卒百  
人擁丁夫數千畚鍤皆作堙其塹直抵城門城中懼  
開門納款遂據有之因抵廣州賊衆十餘萬拒戰是  
夕大風發屋折木衆乃驚懼明與都部署潘美等謀  
命丁夫數千人人持二炬開道先搗賊壘大軍蓐食  
陣以待之俄而萬炬皆發焚其柵賊驚果來犯大軍

因遙擊之賊大敗斬首數萬劉鋹以城降廣州平為  
東道轉運使所至險阻盡通而糗糧無缺太祖嘉其  
功擢授秘書少監領韶州刺史充轉運使俄以潘美  
尹崇珂為嶺南轉運使以明為副使明徧歷部內視  
民疾苦舊無名科歛悉條奏除之嶺表遂安七年代  
歸帝召見勞問賜襲衣金帶勒馬歷任知京朝官差  
遣事端拱二年卒年七十三子挺扶並進士及第挺  
至殿中侍御史扶至工部員外郎景德中錄幼子揆  
為光祿寺主簿大中祥符八年又錄其孫師顏為五  
班借職揆至殿中丞

許仲宣字希粲青州人漢乾祐中進士宋初赴調引  
對便殿氣貌雄偉太祖悅之擢授太子中允太宗時  
為廣南轉運使會用兵自廉欽征交州其地炎瘴士  
卒死者十二三大將孫全興等失律仲宣因奏罷其  
兵不待報徑以兵分屯諸州開庫賞賜草檄書以諭  
交州黎桓即送款內附遣使脩貢仲宣復上章待罪  
帝嘉之太平興國六年遷吏部郎中雍熙四年出知  
廣州未至移知江陵府後遷給事中卒仲宣性寬恕

身大言 卷八  
三  
個儻不檢有心計處變晏然人服其量

李崇矩字守則潞州上黨人太平興國中由邕貴尋  
賓橫欽六州都巡檢使移瓊崖儋萬四州都巡檢使  
麾下軍士咸憚於行崇矩盡出器皿金帛凡直數百  
萬悉分給之衆乃感慨黎賊擾動崇矩悉抵其崗穴  
撫慰以已財遺其酋長衆皆懷附代還拜右千牛衛  
上將軍雍熙三年命代宋渥判右金吾衛仗兼六軍  
司事端拱元年卒年六十五贈太尉謚元靖在嶺海  
四五年恬不以炎荒嬰慮舊涉海者多艤舟俟便風  
或旬餘或彌月崇矩往來皆一日而渡未嘗留滯士  
卒僮僕隨在皆無恙子繼昌仕拜連州刺史出知涇  
州祥符二年卒

杜杞字偉長京兆人慶曆中為廣西轉運使時區希  
範寇陷瓊州杞以計攻破之遂復瓊州因伏兵擒諸  
蠻寇六百餘人尋得希範醢之海南遂平終環慶經  
畧安撫使杞性強記博覽書傳通陰陽數術之學自  
吾年四十六死矣一日據廁見希範在前訴寃  
杞曰爾狂僭叛命法當誅尚敢訴耶未幾卒有奏議

十二卷

狄青字漢臣汾州西河人善騎射初隸騎御馬直擢  
延州指揮使討趙元昊為先鋒有功累遷樞密副使皇  
祐中廣源蠻儂智高反陷邕管圍廣州嶺外擾動仁  
宗以青為宣徽南院使經制廣南盜賊事置酒垂拱  
殿以遣既至而鈐轄陳曙違青節制與智高戰于金  
城敗績奔還青驅出轅門斬之三軍股栗以元昊出  
師大破智高於崑崙關追奔五十里斬首數千級偽  
官屬死者五十七人生擒五百餘人歛屍築京觀而  
廣南東路百姓得以荷鋤而耕安枕而卧者青之功  
不細也時傳智高走交趾青曰寧失智高不敢欺  
朝廷識者躋之初交趾頽出兵助討衆謂可信青上  
奏曰假兵于外以靖內寇非我利也以一智高而橫  
蹂二廣力不能討乃假兵蠻夷蠻夷貪得忘義因  
而啓亂何以禦之請罷交趾助兵上從之及賊平人  
服其有勇畧帝嘉其功詔還拜樞密使賜第敦教坊  
進諸子官秩在樞密五年卒贈中書令謚武襄  
王罕字師言成都華陽人為廣東轉運使行部在潮

州儂智高圍廣州知州仲簡募人置書間出要罕報  
曰罕家在園中非不欲歸顧獨歸無益不若求可助  
城中者行至惠州四境惡少乘亂時惠無備衆邀罕  
出城鎮撫罕不得已乃召耆長令發壯丁又召尉亦  
發民增弓手耆長所發久無至者適有婦人訴僕夫  
奪其釵珥者罕令斬首置道傍告百姓曰此壯丁不  
肯行者民聚觀有懼色於是耆長得壯丁六百尉得  
弓手二千皆集威聲遂振罕又選銳士三千徒卒有  
材伎者數十以舟百四十艘建旗幟作樂順流趣廣  
州未至徒卒進曰聞之南門去水尚百步賊兵在傍  
如我趨門賊來薄我必亂矣於是使士登岸斬木枝  
為鹿角數千既至使徒卒先登士以鹿角從之布岸  
上屬于南門智高擁衆臨觀不敢犯罕徐勒兵作樂  
開南門以入城中守備益固智高解去

孔延之字長源臨江新淦人幼孤自感厲晝耕讀書  
隴上夜燃松明繼之學藝大成鄉舉進士第一遂中  
甲科授欽州軍事推官杜杞之使南方誅歐希範策  
畫多出延之書奏謀議皆其屬卓後知封州即用為

廣南路相度寬恤民力所更置五十五事施役二千  
人使者欲城封州延之爭以謂無益乃不果城遷廣  
南西路轉運判官辭母老不許初儂智高平推恩南  
方補虛名之官者八百人多中戶以上皆徭役役歸  
下窮延之使復其故欽廉二州蛋戶以採珠為富人  
所役屬奪使自為業者六百家皆定著令交趾使米  
桂州陰齎貨為市須負重三千人延之止不與且欲  
杜其後也雷州並海守方倪為不善官屬共告之倪  
要奪其書延之馳至取倪屬吏縱繫逮者七百餘人

倪坐法當斬竟以庾死人謹叫感泣聲動海上改荆  
湖北路提點刑獄終知潤州熙寧七年二月卒年六  
十有一自欽州九遷至尚書司封郎中賜服緋魚有  
三子曰文仲武仲平仲同讀書于郡齋俱好學成名  
後人榜其齋曰桂堂

程師孟字公闢蘇州吳縣人中進士甲科歷知縣轉  
運所至有聲知福州治行尤著移知廣州大脩學校  
日引諸生講解負笈而來者甚衆諸番子弟皆願入  
學以右諫議大夫再任在廣六年威愛並行初州城

儂寇所毀即有警民駭竄方伯鍾至皆言土䟽惡不可築師孟作西城廣十二里及交趾陷邕管聞廣守備固不敢東上遣中使撫問召判三班院又念前功以為給事中集賢脩撰所至人皆為立生祠

連南夫湖北德安人高宗時累官廣東轉運使新興饑發粟賑濟全活以萬計後知廣州兵馬鈐轄韓京受命領兵三千屯營廣州恃恩不法南夫委曲剽制京遂革心為善會潰軍掠南雄招撫得宜餘黨屯聚京擊破大盜七十餘屯民賴以安盜平授建州觀察使知循州時兵燹之後邑里蕭條初至循招集流亡百廢具興守循十年大有功於民嘗督兵討賊于梅守臣街之因其建光孝寺杜麗慮有異志密聞于朝遂調去後循人繪像祠於州學南夫啓導乎化之力也及金人歸河南地南夫賀表云虞舜之十二州昔皆吾有商於之六百里當念爾欺秦檜惡其語罷之潘時字德鄰婺州金華人以叔良貴任初為登仕郎累任南路提點刑獄除直秘閣知廣州兼主管廣南東路經畧安撫使司公事將行猶奏郴州用度不足

多橫賦以供軍馴致巨寇前後非一請下漕司通融  
補助以息後患廣東地接郴桂汀贛之境四州之民  
歲一踰嶺貿易折閱即相聚為盜大群至數千人時  
入境適捕得渠卒八人即斬以徇曰三日而去者吏  
不得格期外不去復捕如初於是皆散有梁氏兄弟  
者招納亡命前後殺人無數而掠其貲以致富交通  
州縣吏不敢詰民患苦之號為四彪時禽捕誅其人  
瀦其居它盜望風破膽大奚山半入海中寇攘所聚  
雖良民亦以魚鹽為命急之則散入賊中不可禁斤

從來久至是新置都鹽使者銳欲禁之檄水軍逐捕  
時曰水軍專受帥府節度非他司可得而調也且爭  
小利起大盜將誰使任其責耶卒拒去不為發良民  
既得少安乃陰募其酋豪使以捕賊自効由是盜發  
輒得有功者為奏補官鬪死即官其子而重責其坐  
視不赴救者官屬不幸死者厚贖歸存沒老稚無一  
人流落如是者三十餘家士族女失身非類贖而歸  
之終朝議大夫直顯謨閣卒

劉黻字聲伯一字質翁樂清人讀書雁蕩山中淳祐



間試入太學嘗論丁大全奸詭誤國謫南安軍安置  
別其母解氏母曰為臣死忠以直被貶分也未幾移  
梅州及大全貶召還又論陳垓蔡榮邪佞又疏諫遊  
幸四年改右正言乞明正學息異端不以逸樂忘事  
機皆中時務九年改朝奉郎試吏部尚書尋以憂去  
德祐初為端明殿學士擁二王由温州入海蕪廣南  
西路宣慰使與陸秀夫文天祥報關匡戴至羅浮以  
疾卒所著蒙川集十卷行于世

廖永忠廬州巢縣人少儻有大志元末兵亂率戰  
艦十餘艘屯巢湖為水寨以觀時變乙未五月與兄  
永安聞高皇帝起淮甸即杖策從之命永安為水  
將副以永忠後永安陷于張士誠俾永忠總其兵累  
以功遷至平章洪武元年平閩二月拜征南將軍叅  
政朱亮祖副之率舟師由海道取廣東勅諭語在事  
紀永忠自福州移書嶺表開示禍福往復書檄諭左  
丞何真真知天命有歸即遣前都督事劉堯佐檢校  
梁復初以廣惠梅循四州之地奉書內款夏四月師  
至廣真封庫籍戶口以歸廣州平遂分兵剿三山賊

邵宗愚分省右丞鐵理迷失元帥吳都蠻等殲于市  
黨與悉平不閱月間南粵耆定大兵所至秋毫無犯  
民不知擾市不易肆蓋由永忠號令嚴明兵不敢暴  
故也諸郡縣來歸及招諭海南皆定五月班師遂送  
真歸朝復平廣西三年八月與朱亮祖凱還

上命皇太子率百官迎勞于龍灣甚加慰諭三年  
七月論永忠功封德慶侯永忠貌不踰人而性識豁  
達撫綏初附甚得其宜廣人德之於郡庠東廡建生  
祠以酬德後永忠被譴有司遂毀祠不存亮祖六安

人十一年鎮廣東拓北城八百餘丈在鎮所為多不  
法遂罷職語在道同傳中

陸仲亨濠州人歲壬辰年十七以義勇從起兵開國  
積功官至贛州衛指揮使守禦九嶺南北新附郡縣  
悉聽節制潮之梅州僻在嶺表調兵攻克之洪武元  
年二月勅仲亨及副使胡通帥本衛及南雄韶州等  
衛軍馬會征南將軍廖永忠等征廣東諭仲亨曰近  
命平章楊璟等由湖南取廣西平章廖永忠等由福  
建取廣東今特命爾帥師由韶州直搗德慶三方進

師為犄角之勢舉無不克廣東既下合兵以取廣西  
先聲既震勢如破竹但當撫輯生民毋縱侵掠四月  
仲亨率師畧定英德清遠連州肇慶等郡縣進攻德  
慶元守將張鵬程驅衆棄城遁兵遂大捷長驅至于  
廣州後累遷同知都督府事三年十一月封吉安侯  
二十六年卒

花茂巢縣人元季起兵從陳世光歲丙申三月歸附  
癸卯援安豐敗張士誠兵又於鄱陽湖討滅陳友諒  
甲辰平武昌授成武衛百戶累以功多洪武八年

月陞神策衛指揮僉事十三年調廣州左衛勦平陽  
春等縣叛賊十四年收捕清遠英德翁源博羅諸縣  
山寨十五年討海南叛蠻出海捕倭十九年東莞龍  
川興寧南海香山翁源民作亂統兵討平之二十年  
正月陞廣東都司指揮同知夷電白等賊二十一年  
破歸善等縣賊寨二十二年四月陞本司都指揮僉  
事五月陞都指揮同知賜 誥子孫世襲廣州左衛  
指揮使是年擊南海香山黃連等寨二十四年七月  
收勦連州廣西湖廣等處徭賊三萬人餘盡歸農二

十六年正月致仕 上命其子為東勝右衛指揮僉  
事茂仍蒞事四月統軍蕩滅東莞筭岡等處二十七  
年茂上言請徙廣東沿海地方東莞香山等縣連逃  
蛋戶為兵又奏添設沿海依山廣海碣石神電等衛  
所二十四處築城濬池收集海島隱料無籍等軍仍  
於要害山口議建兵堡撥軍屯守詔皆從之二十八  
年閏九月征捕海南等處山崗黎賊明年二月入覲  
上慰獎之且曰爾回令次子英來朝 朕將用之六  
月茂回會番禺後山等寨賊叛命英同肇慶衛指揮  
夏忠領軍捕之賊平即遣英赴京茂陞本司都指揮  
使三十年正月 上命英為廣東都指揮僉事與張  
春共殄賊首黃黑面等地方救寧四月二十日茂卒  
命工部建祠宇禮部致祭又命欽天監劉隆擇地賜  
塋牛首山安德門外廣人祠之千粵秀山英武毅有  
父風自以軍功陞本司都指揮使永樂中累建大勳  
後致仕

趙庸廬州人國初從渡江累官同知大都督府事封  
南雄侯洪武十四年廣東盜起 上命庸率師討平

潮州海陽劇寇擒賊千餘又討平東莞陽山歸善等  
縣寇賊尋俘其酋鏟平王招獲賊黨一萬七千八百  
餘人賊屬一萬六千人斬首八千八百級招降平民  
一萬三千二百六十七戶捷聞 詔庸班師至京入  
見 上慰獎殊至賜彩幣上尊良馬命理西北軍務  
十九年東莞賊曹真作亂復命庸總兵討平之二十  
六年坐事卒

華高和州人初與俞通海廖永忠等聚舟師保巢湖  
從渡江累官湖廣行省平章政事封廣德侯洪武三

以徃四年赴海而城池遷至瓊州幸許國王州  
無子以鐵秦納之墓中親為文以祭之遂歸  
諡成莊  
志正字文定仁和人  
學士  
諡成莊  
志正字文定仁和人  
學士  
諡成莊

湖明海陽刺寇擒賊千餘天許平東越嶺山賊悉  
孫寇賊尋俘其酋鑑平王探獲賊黨一萬七千八百  
餘人賊屬一萬六千人斬首八千八百級擄降平兵  
一萬三千二百六十七戶捷聞 詔賜班師至京  
見 上慰獎殊至賜粉幣上尊良馬命理西北軍務  
十九年東寇賊曹真作亂復命屠戮兵討平之二十  
六年至事卒

年高和州人初與俞通海寇未忠等聚舟師保吳湖

年擇熟練水戰總兵往循撫廣東高自請行遂命之  
以往四年巡海南城池還至瓊州卒訃聞 上憫其  
無子以鐵券納之墓中親為文以祭之追封巢國公  
謚武莊 高皇帝遣平  
危止字公定江右人讀書好義元末 高皇帝遣平  
章常遇春以王師至止獻策得隸麾下遇春克贛不  
殺 上聞喜甚遣使褒諭以為曹彬下江南無以過  
也遂進師南安遣止踰嶺南招諭韶州諸郡下之令  
止仍守韶州止旁來安集士民莫不感悅及代父老

遮留不獲列碑立亭南門外留靴以慰去思

陶魯字自強其先鬱林人父成為浙江副使已巳之變群盜蜂起成死于戰景皇帝嘉成忠官魯為新會縣丞年方弱冠廣右徭賊流劫雷廉高肇破城殺官吏戮掠男婦四郡無完廬香山順德之頑復襲黃賊蕭養之遺風劫殺人無寧日魯泣語于民之父兄曰賊毒痛四境氣吞吾城今為若父兄謀非戰不可保城邑非致死命不可戰若父母能率若子弟而從乎若父兄子弟能致死命以共守城保若家族乎

聽予誓父兄曰諾乃築寨堡誓民以守以蔽視賊衝徑復築輔城又於城外溝為濠復外布鐵蒺藜植刺竹以堅城守賊至則人守土分以死力戰別寨分兵相緩急赴援一邑之民迺遂如臂指腹心之相聯絡兵稱能戰而賊不敢犯父老迄今言曰邑民保妻長子孫皆丞之功云魯由丞至布政使平後山賊置從化縣平恩平陽江賊置恩平縣平新寧白水賊置新寧縣平潯梧荔浦府江田州諸賊凡斬首惡二萬一千四百有奇撥回被虜民暨撫散向化之民凡十又

三萬七千有奇為兩廣保障寄民生安危凡四十又  
五年建議置帥府梧州控兩廣過潯梧府江之賊衝  
君子曰梧有帥府兩廣乃如兩臂護其胸腹潯梧府  
江之頑自是不東雷廉高肇民有寧宇是役也蓋百  
世之功云魯行兵兵不必知或先半年調兵食或先  
數月運軍械多疑兵多屯寨戍守兵調多寡無常數  
賊益不能測運糧聚兵惟曰戍守賊懼為之備或遁  
兵則不進賊懈弛備或遁又不得耕以食或歸即數  
路兵進賊奔不及亦不能戰而殪魯行兵兵檄裨將  
不先知惟檄面署曰某封某日某時發及發乃知進  
兵即數路如期至賊亦不及備而待殪故魯征賊賊  
無能遁亦無誤戮一良常宴客樽俎未徹賊已報  
捷坐客駭愕夸且賀曰陶公神筭云魯用兵惟撫按  
臣與聞謀議有司不知調兵食民不知兵役功或奏  
捷且有忌讒四十年間惟都御史韓雍鄧廷瓚上魯  
績于朝且不沮魯亦因成功廣民幸賴保鄣魯沒三  
十年兩廣賊復熾云魯嘗曰表忠烈以勸為臣也乃  
修厓之三忠祠復脩新會之忠勇祠又曰禮賢儒所



以勵世風也時造陳白沙先生之廬容政理焉又創  
防江縣城即脩陽江縣學脩恩平縣城即脩恩平縣  
學徙電白縣治即脩電白縣學曰吾以廣化也其知  
政之本也哉

歐磐字安石鳳陽人起家廣州右衛指揮僉事剿賊  
有功成化初累遷至都指揮使奉命討番禺後山  
盜未嘗遺一矢而盜尋殄息人以為福將終都督僉  
事克湖廣總兵官子儒崇尚文雅累官都指揮僉王  
英廉謹有名以軍功累遷都督同知卒

武鸞字廷鳴河南汝寧人早孤孝事其母性方直膂  
力過人善騎射熟孫吳兵法常以古名將自期待初  
襲廣州右衛鎮撫征乳源古田等處奮勇為士卒先  
嘗手刃渠魁以功累陞世襲指揮僉事從征會寧連  
陽封川陵厓等賊擒首惡如丘區長文興隆蘇樂陳  
珠那燕李崇烈等俘斬之功先後數千計又親詣交  
南說莫登庸等歸降納款厥功益懋總制兩廣都御  
史若會稽陶公晉江蔡公廬陵歐陽公洎巡按御史  
交章特薦有謂其賞罰明信號令嚴肅者有謂其履

險而屢涉鯨波冒嵐瘴而躬清豺獮者有謂其隨  
手揆策臨敵設奇除積年大憝靖一方巨蠹者吾粵  
倚重餘二十年陞總督備倭廣東都司僉書瓊厓叅  
將實授都指揮同知為追亡深入冒險衝炎卒于王  
事年僅五十有八當事者咸涕洟惜之瓊民為立祠  
迄今俎豆子尚文以庠彥掇戎科歷官守備次尚仁  
業儒篤學行誼克敦鄉閭稱之孫應隆夙遊庠校三  
捷戎魁以薦陞守備柘林才猷茂著何尚書古林龐  
都憲惺菴咸稱其賢惜用之未盡其才云

程鑒字本虛合肥人襲指揮僉事博涉經史將鑑諸  
書有智畧從征新寧積寇遷指揮同知嘉靖初守備  
惠潮居碣石衛勦和平賊酋李文績擇悍族十餘輩  
克鄉約正副構亭規勸漓俗丕變遇饑饉榜諭富室  
互相資濟嶺東得以全活有司媿焉庚寅遷廣東都  
指揮僉事時與名公鉅儒詩筒倡和嘗登玄覽臺看  
酒酣浩歌發游絲落長松等句為名流所賞尋克左  
叅將分守肇高廉雷四郡建議立成岡松栢二巡司  
提督林富從之未幾西山猺賊黎廣趙林花攻劫府

粵大詒 卷八  
庫事聞富與總兵仇鸞皆戴罪鑿馳師赴之駐于陽  
春遣聽招賊酋徐二陽降因誘而破之巢穴蕩平尋  
征連州諸砦論劾罷歸己亥陵崖黎岐作亂提督蔡  
經起鑿往守辛丑大行征討鑿斬獲三千六百級功  
冠諸哨捷聞獲賞癸巳陞副總兵鎮守廣西瓊人甚  
愛之謂其奉命守崖兵威莫測黎岐咸服百姓賴以  
安堵莫不喜其來而悲其去也後喪母歸葬卒年五  
十三

外史氏柴曰有一代龍飛之運則有一代虎關  
之臣以戡亂安民義之大也仁之至也粵地僻  
逖每遇統壹師乃及焉乘時策勲彙多名碩是故  
漢之下尉佗也陸賈為之陳說路博德為之戡定  
而馬援征交趾夏方陳茂靖日南度尚討桂陽  
蠻咸桓桓然虎臣哉吳鎮交州則步騭士燮呂  
岱揚其烈晉定廣州則陸胤滕修王毅孫處標  
其勲宋宗慤之伐林邑鄧文進之保嶺南皆有  
駿功餘錚錚瑣瑣無足揚詡也宋潘美之平嶺  
海乃王明等克咸厥功狄青之討儂智高乃王

罕等並建崇績禦寇定亂洵在得人哉我  
高皇帝起淮甸登極初元命廖永忠征廣東民不知  
兵市不易肆即曹彬之下江南豈遜前美乎而  
趙庸花茂陸仲亨劬勦奔走各殫其力至若陶魯  
之殲後山恩新諸賊歐磐程鑒並効馳驅詩曰江  
漢湯湯武夫洸洸經營四方諸君子有焉故采  
其尤魁傑者著于篇

粵大記卷之八

粵大記卷之九

嶺南郭棐篤周甫編

宦蹟類

綏撫鴻勳

晉陶侃

唐宋璟 裴佻先 坐朝隱 李尚隱

李勉 徐申 李復 趙昌

馬揔 孔戣 李伸 盧鈞

柳仲郢 常正貫 劉崇龜

宋向敏中 陳堯佐 陳堯叟 魏瓘

余靖 龔茂良 楊大異 劉應龍

明周楨 汪廣洋 朱鑑 揭傒

彭遠 王翺 戴昇 楊信民

徐瑄 葉盛 林錦 韓雍

袁道 鄧廷瓚 秦紘 朱英

彭韶 劉大夏 林同 吳廷舉

熊繡 姚鏌 梁材 陶諧

盛應期 毛伯溫 張岳 邵銳

歐陽鐸 江潮 王世芳 周延 戴璟

鄭心 吳桂芳 丁以忠 黃光昇 史朝宜

吳善 劉采 熊桴 劉穩 周煦

陶侃字士行鄱陽人徙家尋陽舉孝廉至京師司空張華與語異之除郎中歷官至荊州刺史討湘賊杜弢降其將王貢斬首千餘級弢遂敗走王敦方督諸軍深忌侃功左轉廣州刺史平越中郎將時王機據廣州侃遣兵斬之又周恤流移撫安徭獠百粵又罹兵革一旦賴之安堵以功封柴桑侯食邑四千戶侃在

州無事輒朝運百甓於齋外暮運於齋內人問其故  
荅曰吾心致力中原過爾優逸恐不堪事其勵志勤  
力皆此類也交州刺史王諒為賊梁碩所陷侃遣將  
高寶進擊平之進號征南大將軍開府儀同三司王  
敦反侃復遣將高寶致討及敦平遷都督荆雍等八  
州諸軍事荊州刺史交廣并領焉楚郢七女莫不相  
慶侃性聰敏勤於吏職恭而近禮愛好人倫終日歛  
膝危坐閫外多事千緒萬端罔有遺漏遠近書疏莫  
不手荅筆翰如流未嘗壅滯引接踈遠門無停客常

語人曰大禹聖者乃惜寸陰至於衆人當惜分陰豈  
可逸遊荒醉生無益於時死無聞於後是自棄也諸  
叅佐或以談戲廢事者乃命取其酒器蒲博之具悉  
投之於江吏將則加鞭朴曰樗蒲者牧豬奴戲耳老  
莊浮華非先王之法言不可行也君子當正其衣冠  
攝其威儀何放談養望自謂宏達邪有奉饋者皆問  
其所由若力作所致雖微必喜慰賜叅倍若非理得之  
則切厲訶辱還其所饋後都督江州敗石勒復平襄  
陽拜大將軍太尉卒年七十六謚曰桓

宋璟邢州南和人舉進士耿介有大節好學工文辭  
累遷鳳閣舍人武后高其才遷左臺御史中丞飛書  
告張昌宗謀反連易之等璟請下吏明國法有詔原  
之璟顧左右歎曰吾悔不先碎豎子首而令亂國經  
神龍初常月將告武三思亂宮掖上大怒璟力爭月  
將不當誅帝不得已流月將于嶺南睿宗立以吏部  
尚書同中書門下三品兼太子右庶子奏出太平公  
主及諸王於外貶刺楚州開元初為御史大夫坐小  
累出為睦州刺史徙廣州都督廣人以竹茅茨屋多  
火璟教之陶瓦築堵列邸肆越俗始知棟梁而免延  
燒患恩州苗帥作亂遣五府總管臨之以甲卒開諭  
以恩信革心降服夷落大寧召拜刑部尚書尋遷吏  
部兼侍中封廣平郡公廣人為璟立遺愛頌璟上言  
頌所以傳德載功也臣之治蹟不足紀廣人以臣當  
國故為溢辭徒成詔諛者欲釐正之請自臣始有詔  
許停止樹張說所著碑終尚書右丞相致仕璟風度  
凝遠人莫涯其量始自廣州入朝帝遣內侍楊思勗  
驛迓之未嘗交一言思勗自以將軍貴幸訴之帝帝

益嗟重開元二十五年卒贈太尉謚文貞自唐有大  
下廣之名宦璟為稱首然一代名相亦未有過之者  
時咸稱宋廣平云

裴由先絳州聞喜人宰相炎從子未冠蔭為太僕丞  
炎請武后歸政被斥為人誣告僂死由先坐流嶺南  
上變求面陳得失后召見盛氣待之曰炎謀反法當  
誅尚何道由先對曰陛下唐家婦身荷先帝顧命宜  
還太子東宮罷諸武權不然豪傑且起不可不懼后  
怒命曳出杖之朝堂長流瀼州后将殺流人由先前

知走突厥被執繫獄得不死中宗復位求炎後授由  
先詹事丞遷秦桂二州都督所至夷狄驚服開元中  
遷廣州都督廣故多貨由先政務清簡廣人愛之謂  
自宋璟後庶能繼武者由先而已後坐累且誅賴宰  
相張說右之免官又乃起擢至京兆尹進工部尚書  
封翼城縣公卒年八十六

李朝隱字光國京兆三原人少以明法舉累授大理  
丞神龍中功臣敬暉桓彥範為武三思所搆諷侍御  
文鄭愔奏請誅之勅大理詰其罪朝隱以所犯不經



推窮未可即正刑名時裴炎為大理卿異筆判斷仍籍沒其家朝隱由是忤旨中宗令貶嶺南惡處侍中常巨源中書令李嶠奏曰朝隱素稱清正斷獄亦甚當理一朝遠徙嶺表恐天下疑其非罪中宗意解出為聞喜令尋遷侍御史開元二十一年兼判廣州事仍攝御史大夫充嶺南採訪處置使軫恤民隱屢有建議公直蕪索輿論稱之明年卒於嶺外年七十贈吏部尚書官給靈輦兼家口馳遞還鄉謚曰貞

李尚隱其先出趙郡徙貫萬年年二十舉明經神龍中擢左臺監察御史雪冤伸枉為姦臣所疾出為令玄宗知其賢自桂州都督遷廣州都督五府經畧使及還人或哀金以贈尚隱曰吾自性分不可易非畏人知也召為御史大夫時司農卿陳思問引小人為屬吏乾沒錢穀尚隱按其罪贓累鉅萬思問流死嶺南改尚隱太子詹事進戶部尚書封高邑伯開元二十年為太子賓客卒年七十五謚曰貞尚隱三入御史府輒繩惡吏各當其罪公議歸重惟劾詆幸臣及坐小法左遷復見用以循吏終始云

李勉字玄卿長安人鄭惠王元懿曾孫勉少喜學內  
沈雅外清整始調開封尉能摧姦決隱從肅宗於靈  
武擢監察御史糾劾武臣背闕喧譁帝歎曰吾有勉  
朝廷始尊入為京兆尹兼御史大夫以不諂魚朝恩  
出為江西觀察使時楊慎微節度嶺南會勉兵討平  
宦官呂太一以疑殺馮季康等仍追詰市舶珠犀豪  
族遂叛朝廷即拜勉嶺南節度使番禺賊馮崇道挾  
叛將朱濟時等負險為亂殘十餘州勉遣將李觀率  
容州刺史王翊討斬之五嶺遂平西南夷舶歲凡纒  
四至譏視苛謹勉既廉潔又不暴征明年至者四千  
餘柁居官久未嘗收飭器用車服後召歸至石門畫  
搜家人所蓄犀珍投江中時人謂可繼宋璟盧貞李  
朝隱部人叩闕請立碑頌德代宗許之進工部尚書  
封沂國公改鎮滑毫德宗立就加同平章事貞元初  
帝起盧杞為刺史袁高封還詔書不得下時勉赴召  
既見帝問曰衆言杞為姦邪朕殊不覺其然勉對曰  
天下皆知而陛下獨不知此所以為姦邪也居相二  
歲辭位以太子太師致仕卒年七十二贈太傅謚曰

貞簡

徐申字維降京兆人擢進士第補祕書省正字初辟江西巡官尋掌嶺南節度書記累遷洪州長史嗣曹王臯討李希烈檄申以長史行刺史事任職辦臯表其能遷韶州刺史韶自兵興四十年刺史以縣為治署而令丞雜處民間申按公田之廢者三百頃募人假牛犁墾發以所收半畀之田久不治故肥每歲入凡三萬斛諸工計所庸受粟有差乃徙治故州未幾邑闢如初創驛候作大市器用皆具州民五百人請觀察使以其有功於人請作碑立生祠申固讓觀察使以狀聞遷合州刺史始來韶戶止七千比六年倍而半之會初置景州授刺史賜錢五十萬加節度副使遷管經畧使黃洞蠻納質供賦不敢後踰年進嶺南節度使前使死吏盜印署府職百餘員畏事泄謀作亂申覺殺之誑誤一不問遠俗以攻劫相矜申禁切無復犯外蕃歲以珠璣瑁香文犀浮海至申於常貢外未嘗贖索商賈饒盈劉闢反表請發卒五千循馬援故道繇夔蠻抵蜀犄闕不備詔可加檢校禮部

尚書封東海郡公詔未至卒年七十贈太子少保謚曰平

李復字初陽隴西人宗室太子太傅兼宗正卿齊物之子以父蔭累官至江陵府司錄精曉吏道衛伯玉厚遇之府中之事多以咨委性苛刻為伯玉所信奏為江陵縣令遷少尹歷饒州蘇州刺史皆著政聲李希烈背叛荆南節度張伯儀數出兵為希烈所敗朝廷憂之以復久在江陵得軍民心復方在母喪起為江陵少尹兼御史中丞充節度行軍司馬伯儀既受

代以復為州刺史兼御史中丞充本管招討使如檢校常侍先時西京叛亂前後經畧使征討反者獲其人皆沒為官奴婢配作坊重役復乃令訪其親屬悉歸還之在容州三載南人安悅遷廣州刺史兼御史大夫嶺南節度觀察使會安南經畧使高正平張應相次卒官其下叅佐偏裨李元度胡懷義等阻兵黷亂州縣姦賊狼藉復誘懷義杖殺之奏元度流於荒裔又勸導百姓令變茅居為瓦舍瓊州久陷於蠻獠乾元初復累遣使喻之仍遣兵剿其元惡因奏置瓊

州都督府以撫綏其民疏言瓊州本隸廣府管內乾封年山洞草賊反叛遂茲淪陷至今一百餘年臣令判官姜孟京崖山刺史張少逸併力討除今已收復舊城且令降人權立城廂竊以瓊州控壓賊崗請昇為下都督府加瓊崖振儋萬等五州招討遊奕使其崖州都督請停從之遂教民陶瓦為屋以免颶風之患復曉於政道所在稱理徵拜宗正卿累加檢校尚書左僕射卒年五十九贈司空

趙昌字洪祚天水人始為昭義李承詔節度府屬累遷虔州刺史安南酋獠杜英翰叛都護高正平以憂死拜昌安南都護夷落嚮化毋敢桀倨十年足疾請還朝以兵部郎中裴泰代之入為翰林祭酒未幾州將逐泰德宗召昌問狀時年踰七十占對精明帝奇之復拜安南都護詔書至人相賀叛兵即定憲宗初立徐申病卒詔加昌檢校戶部尚書遷嶺南節度使降輯陬荒瓊管儋振萬安等六州洞俚來歸為圖以獻往來鯨海撫安備至夷寇無復侵掠瓊人尤德之以勞徙節荆南召入再遷工部尚書兼大理卿出為

華州刺史對麟德殿趨拜強健帝訪其所以願養遷  
太子少保卒年八十五贈揚州大都督謚曰成  
馬摠字元會系出扶風少孤寡不妄交游貞元中辟  
署滑州姚南仲幕府監軍薛盈珍誣南仲不法摠坐  
貶泉州別駕盈珍入用事福建觀察使柳冕希旨欲  
誅之會刺史穆贇保護乃免徙恩王傳元和中以虔  
州刺史遷安南都護廉清不撓用儒術教其俗政事  
和平夷獠安之建二銅柱於漢故處劉著唐德以明  
伏波之裔嘗駐合浦甚有威惠進御史大夫徙管涇  
畧觀察使居無幾何遷嶺南節度使至南海即脩教  
令明賞罰磨洗姦慝百粵率服舉給事中穆質以自  
代入為刑部侍郎穆宗朝進戶部尚書摠篤學雖吏  
事倥偬書不去前論著頗多卒贈右僕射謚曰懿  
孔戣字君嚴魯國人孔子三十八世孫擢進士第為  
侍御史累遷尚書左丞忤中官出為華州刺史明州  
歲貢淡菜蚶蛤之屬戣以為自海抵京師道路役凡  
四十三萬人奏罷之歷大理卿國子祭酒會嶺南節  
度使崔詠死帝謂裴度曰嘗論罷蚶菜者誰歟今安

在是可往為朕求之度以戮對即拜嶺南節度使既至免屬州逋負十八萬緡米八萬斛黃金稅歲八百兩先是屬刺史俸率三萬又不時給皆取部中自衣食戮乃倍其俸約不得為貪暴稍以法繩之南方鬻鬻口為貨掠人為奴婢戮峻為之禁親吏得嬰兒於道收育之戮論以死由是閭里相約不敢犯士之斥南不能北歸與有罪之後百餘族才可用用之貧無告者女子為嫁遣之蕃舶泊步有下碇稅始至有閩貨宴所餉犀琲下及僕隸戮禁絕無所求索舊制海商死者官籍其貨滿三月無妻子詣府則沒入戮以海道歲一往復苟有驗者不為限悉推與自貞元中黃洞諸蠻叛乂不平容桂二管利虜掠幸有功乃請合兵討之戮固言不可帝不聽大發江湖兵會二管入討士被瘴毒死者不勝計安南乘之殺都護李象古而桂管裴行立容管陽旻皆無功憂死獨戮不邀一旦功交廣晏然大治穆宗立以吏部侍郎召改右散騎常侍還為左丞因老自乞歸以禮部尚書致仕歲致羊酒如漢徵士禮卒年七十三贈兵部尚書謚曰

李紳字公垂潤州無錫人六歲而孤哀等成人母盧氏躬受之學為人短少精悍有詩名時號短李元和初擢進士第穆宗時為翰林學士與李德裕元稹同時號三俊歷戶部侍郎為宰相李逢吉所嫉結中人王守澄害之會敬宗立守澄從容奏言先帝始議立太子紳勸立深王獨逢吉請立陛下逢吉乘間言紳嘗不利於陛下請逐之帝初即位不能辨乃貶紳為端州司馬帝後於禁中得裴度與紳三疏請立帝為嗣始大感悟悉禁逢吉黨所上謗書始紳南逐歷封康間端瀨險澁惟乘漲流乃濟康州有媪龍祠舊傳能致雲雨紳以書禱俄而大漲至端以詩自娛每紀所歷皆為長句名追昔遊自檢益嚴端人見之皆有立操舊謫嶺海皆子身以往紳獨令家屬自衡陽歷湘灘抵端竟恬如也會寶曆赦令得徙江州長史端人攀留不可得留其衣帶祠之累遷淮南節度使武宗召拜中書侍郎同中書門下平章事封趙郡公居位四年辭位復出節度淮南卒贈太尉謚文肅



盧鈞字子和范陽人元和四年進士擢第歷遷給事中開成元年為化州刺史其年冬代李從易為嶺南節度使南海有蕃舶之利珍貨輻輳舊帥作法興利以致富凡為南海者靡不相載而還鈞性仁恕為政廉潔奏請監軍領市舶使已一不干預蕃僚與華人錯居相婚嫁多占田營第舍吏或撓之則相挺為亂鈞下令蕃華異處不得通婚非土人不得立田業由是闔部肅然無敢犯貞元後流放衣冠其子姓窮弱遇赦不能自還者鈞減俸錢為營棺槨還葬有疾苦死喪則給醫藥殯殮孤兒幼女為之婚聘凡數百家人服其德雖山越之俗亦皆不懲而化又除采金稅三年將代華蠻數千人詣闕為鈞請立生祠刻石頌德鈞固辭以戶部侍郎召判度支遷戶部尚書河東節度使詔稱其長才博達敏識宏深由嶺表而至太原五換節鉞仁聲載路公論彌高云太和十一年九月以鈞檢校司徒同中書門下平章事興元尹克山南兩道節度使入為太子太師卒

柳仲郢字諭蒙京兆華原人父公綽累官至兵部尚

書有忠孝大節母韓善訓子故仲郢幼嗜學嘗和熊  
膽丸使夜咀嚙以助勤長工文著尚書二十四箴為  
韓愈咨賞元和未及進士第為校書郎牛僧孺辟置  
幕府有父風矩僧孺歎曰非積習名教安及此邪入  
為監察御史累遷戶部尚書封河東縣男為山南西  
道節度使南鄭令權奕以罪仲郢杖之六日死貶雷  
州刺史至郡盡心民事以所鈔經書訓士頃之以太  
子賓客分司東都咸通五年為天平節度使初仲郢  
為諫議大夫後每遷必烏集其第廷樹戟架皆滿五  
日乃散及是不復集卒於鎮子玘以明經補祕書正  
字由書判拔萃累轉左補闕高湜再鎮昭義皆表為  
副擢刑部員外郎湜貶高要尉玘三疏申理湜後得  
橐嗟嘆以為其言雖自辨不加也出為嶺南節度副  
使解中摘熟既食乃納直於官黃巢陷交廣逃還除  
起居郎巢入京師奔行在再遷中書舍人御史中丞  
文德元年以吏部侍郎脩國史拜御史大夫直清有  
父風昭宗欵倚以相中官譖玘煩碎非廊廟器乃止  
坐事貶瀘州刺史卒光化初帝自華還詔復官爵玘

嘗述家訓以戒子孫可為世範云

常正貫字公理京兆萬年人中書令南康忠武王臯弟平之子少孤臯謂能大其門名曰臧孫推蔭為單父尉不得意棄官去改今名舉賢良方正異等除太子校書郎調華原尉歷官團練使宣宗立以治最拜京兆尹同州刺史擢嶺南節度使南海以蕃為財藪自宋璟以後未有不染其利者每蕃舶始至大帥必取象犀瑤瑁明珠上珍而售以下直沿襲為常蕃人厭苦之諳不敢言貫既至毫無所取吏服其清南方

風俗右鬼正貫毀淫祠教民無妄祈會海水溢人爭咎撤祠事以為神不厭正貫登城沃酒以誓曰不當神意長人任其咎無逮下民俄而水去民乃信之居鎮三歲既病遺令無厚葬無用鼓吹無請謚卒年六十八贈工部尚書

劉崇龜字子長滑州胙人性聰睿積學能文蔚有吏才咸通六年進士擢第畧遷起居舍人禮部兵部二員外賜金紫入為兵部郎中拜給事中大順中遷左散騎常侍集賢殿學士判院事改戶部侍郎檢校戶

部尚書出為廣州刺史清海軍節度嶺南東道觀察  
處置等使有富商子泊舟江邊見岸上高門家一妙  
姬殊不避人少年挑之曰昏黃當到宅亦無難色是  
夕果啓扉待之少年未至有盜入欲行竊姬不知即  
就之盜謂見執以刀刺之遺刀而逃少年後至踐其  
血仆地捫之見死者急出解維而去明日其家隨血  
跡至江岸岸上人云夜有某客船徑發去矣官差人  
追獲拷掠備至其實吐之惟不招殺人視其刀乃屠  
家物崇龜下令曰某日演武大饗軍中合境庖丁集  
毬塲宰殺既集復曰已晚留刀於厨明日再至陰以  
殺人之刀換下一口來早各來請刀獨一屠最後不  
認其刀因詰之對曰此非某刀乃某人之刀耳命擒  
之則已竄矣於是崇龜以合死之囚代富商子侵夜  
斃於市竄者知囚已斃不一二夕歸家遂擒伏法仍  
杖少年以夜入人家罪其臨政精明類此崇龜仕累  
華要及涖南海姻舊或干以財率不荅但寫荔枝圖  
與之弟崇望相昭宗有名崇魯阿附姦臣崔昭緯諂  
事宦官田令孜崇龜聞之恚不食曰吾兄弟未始以

聲利敗名今不幸乃生是兒昭緯誅後崇魯貶崖州  
司戶參軍

向敏中字常之開封人父瑀仕漢符離令性嚴惟敏  
中一子躬自教督不假顏色嘗謂其母曰大吾門者  
此兒也及冠繼丁內外憂能刻厲自立有大志不屑  
小就太平興國五年進士歷轉戶部判官知制誥未  
幾權判大理寺時妖尼道安構獄事連開封判官張  
去華敏中妻父也以故得請不預決讞既而法官皆  
貶敏中以累落職出知廣州入辭面叙其事太宗為  
之感動許以不三歲召還翌日遷職方員外郎遣之  
是州蕪掌市舶前守多涉譏議敏中至荆南預市藥  
物以往在任無所預以清廉聞就擢廣南東路轉運  
使後進左僕射昭文館大學士卒年七十二帝親臨  
哭之慟廢朝三日贈太尉中書令謚文簡五子諸壻  
並遷官敏中姿表瓌碩問學優長而動有儀矩性端  
厚豈弟多智曉民政善處繁劇慎於采拔居大任三  
十年時以重德目之為人主所優禮故雖衰疾終不  
得謝及追命制入帝特批曰敏中淳謹溫良宜益此

意其恩顧如此有文集十五卷

陳堯佐字希元其先河朔人高祖朝為蜀新井令因家焉遂為閬州人父省華拜左諫議大夫特贈太子少師堯佐進士及第歷遷開封府推官言事忤旨降通判潮州脩孔子廟作韓吏部祠以風示潮人民張氏子與其母濯于江鰐魚尾而食之母弗能救堯佐坐而傷之命二吏挈小舟操網往捕鰐至暴非可網得至是鰐受網作文示諸市而烹之人皆驚異嘗權知惠州治以誠信凡事減省吏民化服嘗手植荔枝

於州治人不忍傷比之甘棠云後拜同中書門下平章事集賢殿大學士以太子太師致仕卒贈司空兼侍中謚文惠堯佐少好學父授諸子經其兄堯叟未卒業堯佐竊聽已成誦初肄業錦屏山後從种放於終南山及貴讀書不輟善古隸八分為方丈字筆力端勁老猶不衰尤工詩性儉約見動物必戒左右勿殺器物壞隨輒補之曰無使不全見棄也號知餘子自誌其墓曰壽八十二不為天官一品不為賤使相納祿不為辱三者粗可歸息於父母棲神之域矣陳

博嘗謂其父曰君三子皆當時將相惟中子貴且壽  
後如博言有集三十卷又有潮陽編野廬編愚丘集  
遣興集傳于世

陳堯叟字唐夫端拱三年登甲科解褐光祿寺丞直  
史館與父省華同日賜緋遷秘書丞久之充三司河  
南東道判官再遷工部員外郎廣南西路轉運使先  
是歲調雷化高藤容白諸州兵使運軍糧汎海給瓊  
州其兵不習水利率多沉溺咸苦之海北岸有遮角  
場正與瓊對伺風便一日可達與雷化高太平四州

地水路接近堯叟因規度移四州民租米輸于場第  
令瓊州遣蠻兵具舟自取人以為便代還加刑部員  
外郎充度支判官未幾會撫水蠻酋蒙令國殺使臣  
擾動命堯叟為廣南東西兩路安撫使賜金紫遣之  
事平遷兵部拜主客郎中至道中知端州樞密直學  
士知三班兼銀臺通進封駁司制置群牧使後拜右  
僕射知河陽病亟奏還輦下詔許之至京師卒年五  
十七廢朝二日贈侍中謚曰文忠錄其孫知言知章  
為將作監主簿長子師古賜進士出身後為都官員

外郎希古至太子中舍

魏瓘字用之歙州人父羽奏補秘書省校書郎歷知循隨安州提點廣南西路刑獄州僚戶緣逋負沒婦女為傭者千餘悉奏還其家就除轉運使劉錕時計口以稅雖舟居亦不免至是而雷化欽廉高州猶未除瓘為除之遷太常少卿知廣州築州環城五里疏東江門鑿東西澳為水閘以時啓閉尋拜右諫議大夫再任臨江軍判官吏沆性險詖嘗為瓘所劾免會廣州封送貢餘椰子煎等餉京師趣邀晉之飛奏指為珍貨詔遣內侍發驗沆坐不實瓘亦降知鄂州儂智高寇廣東西獨廣州城堅守不能下於是論築城功遷工部侍郎集賢學士復知廣州兼廣東經畧安撫使給禁卒五千聽以便宜行事屬狄青奏凱召還糾察在京刑獄

余靖字安道韶州曲江人皇祐初知虔州以父憂去官三年儂智高反破嶺南州縣起靖知桂州廣南西路安撫使經制廣東西賊時智高圍廣州靖帥師赴援智高走邕州歆倚峒穴為久居計靖先移檄交趾



及諸峒使嚴捍禦朝廷命宣徽使狄青將兵至正月  
甲辰靖偕狄青之師復賓州智高退守崑崙關青以  
元宵夜出其不意大破之復敗智高於歸仁舖智高  
走交趾召諸將班師遷靖為工部侍郎經理後事靖  
遣人入特磨道擒智高毋弟獻于京師斬之以徇拜  
靖集賢院學士靖前後經制五管皆有惠愛大理南  
詔之國皆可順指氣使云後復知廣州先是番舶裝  
發皆征稅靖奏罷之以來蕃商又戒在任官吏不得  
市南藥及自罷歸不持南海一物而百姓懷德不能

忘焉

龔茂良字實之興化軍人紹興八年進士第歷官監  
察御史時江浙大水詔陳闕失茂良疏言內則儉腐  
竊弄外則奸邪充斥除直秘閣知建寧府起廣東提刑  
知廣州即番山之址建學及置番禺南海學既成釋  
奠行鄉飲酒以落之城東舊有廣惠庵中原衣冠沒  
於南者葬之歲久廢茂良訪故地更建海會浮圖敢  
寄暴露者皆揜藏無遺召對崇政殿拜叅知政事潮  
州守奏通判不法得旨下帥臣體訪通判茂良鄉人

也同列密以省吏付棘寺推鞠歆及茂良奏事退同  
列留身出獄案進上茂良不知也上厲聲曰叅政決  
無此茂良遜謝不復辯宣諭獎用廉退茂良奏朱熹  
議行耿介屢召不起宜蒙錄用除祕書郎群小乘間  
讒毀淳熙四年因疾力求去上曰朕以經筵召史浩  
卿不須疑時曾覲歆以大資祿其孫茂良以文武官  
各隨本色蔭補格法繳進謝廓然賜出身除殿中侍  
御史廓然附曾覲者也中書舍人林光輔繳奏不書  
黃遂補外茂良均求去上諭曰朕極知卿不敢忘歆  
保全卿去候議恢復卿當再來是日除職與郡令內  
殿奏事乃手疏恢復六事上曰卿五年不說恢復何  
故今日及此退朝甚怒曰福建子不可信如此謝廓  
然因劾之乃落職既罷尋又論茂良擅權不公矯上  
旨輒斷賈光祖等罪遂責降安置英州父子卒于貶  
所覲與廓然死後茂良家投匭訟寃遂復通奉大夫  
周必大獨相進呈復職上曰茂良本無罪遂復資政  
殿學士謚莊敏

楊大異字同伯唐天平節度使漢公之後十世祖祥

避地醴陵因家焉祥事親孝親亡哀毀泣盡繼以血  
廬墓終身有白芝白鳥白兔之瑞事聞于朝褒封至  
孝公賜名木植墓道以旌其孝大異從胡宏受春秋  
大義登嘉定十三年進士第遷大理寺丞進直秘閣  
提點廣東刑獄兼庾事時常平司逋負山積械繫追  
索姦蠹百出大異與之約悉縱遣之負者如期畢輸  
吏無所容其姦訪張九齡曲江故宅建相江書院以  
祀九齡改提點西刑獄兼漕庾二司所至姦吏屏息  
寇盜絕迹

方大琮字德潤福建莆田人淳祐二年帥度凡六年  
以儒飭吏以政化俗鄉飲酒禮久廢大琮極意振起  
所請賓佐必其年高有德足以表率一鄉者禮樂器  
服悉還古制終日賓主拜七十有奇曰此 明廷養  
老旌善之典柰何不敬又以丁祭儀文未稱自是服  
以至簠簋籩豆鍾磬琴瑟祝噎之類悉考古訂制又  
建書堂之飛閣翼以四齋敞清海軍門以雄 藩府  
規模煥然一新又講求安民弭盜之法士民感而頌  
之

謝子強福州人宣祐四年帥廣律已以廉牧民以惠  
東吏以法時八桂開制府供億取辦於民處之裕如內  
浚城池畫保伍為備禦計簡靜不擾海邦晏然市田  
以增學費兼領船事四年廉介無染廣人歌頌德政  
余復亨為之記立像與吳隱之楊長孺祀之

胡穎字叔獻湘潭人性直惡邪每見淫祠即毀之人  
謂之胡打鬼咸淳初經畧廣東有僧寺佛像中常出  
巨蛇享人祭祀僧倚以為利穎至毀佛而殺妖蛇杖  
僧以警愚俗其恠遂息其風遂變其剛正可法也

劉應龍字漢臣瑞州高安人嘉熙二年進士授零陵  
主簿饒州錄事叅軍遷司農少卿尋以右諫議大夫  
孫附鳳言遂去國景定三年湖南饑起提舉常平以  
採荒功遷置寶章閣廣南東路轉運判官遷秘書監  
兼國史編修實錄檢討南海寇作朝廷患之乃以顯  
謨閣待制知廣州廣東經畧安撫使寇聞應龍至遁  
去應龍勦逐之南海大治特旨屢召拜戶部侍郎仍  
兼侍讀七上奏辭免德祐元年遷兵部尚書寶章閣  
直學士

周禎字文典江寧人文學政事馳聲元末 國初為  
浙江僉事召為刑部尚書洪武初改治書侍御史及  
建廣東行中書省除叅知政事開省之初州縣正負  
多缺廣州香山縣治徙在蓮峰經兵燹而廢縣丞冲  
敬訪在城故址經營廨宇縣治既成百務悉辦流移  
四集狂寇倏至敬率民捍禦寇乃遁去縣民賴敬以  
安竟以勤死禎至即祭之雷州同知余騏孫開設府  
治增築沿海堤岸揭陽縣丞許德增闢公署核實田  
畝上其冊籍禎加旌賚知蕪州府晚因蒙古人也招  
徠流民農皆復業知惠州府萬迪興廢舉墜不受私  
謁乳源知縣張安仁改建縣治創立城池學校撫綏  
流徙清遠知縣李鐸勤政興學歸善知縣木寅躬立  
諸司廨宇長於撫恤皆上其績會下詔開科禎豫聘  
名儒以待考試洪武二年冬十一月刑部尚書世家  
寶坐黜 上復召禎為刑部尚書以周天祥代之時  
有顧文昱者蘇州嘉定人洪武二年以知州擢廣東  
行中書省右司郎中蒞政以勤守已以廉甄別淑慝  
均派輸納修浚城隍訓練士馬賑恤困苦民甚懷之

汪廣洋字朝宗高郵人少從余闕學通詩書游寓太平乙未歲上渡江首召諸儒廣洋入見與語大悅留幕下為元帥府令史歷官陝西叅政丞相李善長卒召廣洋為左丞時右丞楊憲忌之嗾御史劉炳等劾廣洋事毋無禮上初未之知令還高郵憲恐其復用又教炳奏遷之海南上覺憲奸乃復召廣洋還憲坐是誅冬十一月大封功臣廣洋封忠勤伯誥曰朕觀往古俊傑士能識真主於草昧之初効勞於多難之際終成功業可謂賢知者也漢之張子房諸葛亮獨能當之朕提師渡江入姑孰中書右丞

汪廣洋同諸儒來謁就職從征剽繁治劇屢獻忠謀驅馳多難先見之哲可方古人今天下已定爾應爵封特加爾開國翊運守正文臣資善大夫護軍忠勤伯食祿二百六十石於乎爾尚益堅初志克茂忠貞訓爾子孫以光永世廣洋益盡忠思報四年正月拜廣洋為右丞相以叅政胡惟庸為左丞相六年三月左遷廣東行省叅政明年召為左御史大夫十年復拜右丞相加特進榮祿大夫右柱國知軍國事上

過之特厚嘗有疾在告賜勅勞問廣洋與胡惟庸同  
相惟庸所為多不法久之御史中丞徐節言前誠意  
伯劉基遇毒死廣洋宜知狀 上問廣洋廣洋對以  
無是事 上頗聞基方病時惟庸挾醫往候因飲以  
毒藥乃責廣洋不能為國効忠貶居海南舟次太平  
復遣勅切責遂死于道廣洋善篆隸大書尤工歌詩  
住廣南時多所吟咏今梓入五先生集中其流風雅  
致可想見云

朱鑑字用明晉江人領永樂丁酉鄉薦授湖廣蒲圻  
教諭秩滿以學行擢監察御史出按湖廣留三載始  
得代洪熙元年再按廣東首禁郡邑追徵生事令皂  
兵強買貨物使子姪接受贓私衛所城守無備或管  
屯而橫科或出海而暴斂農桑衣食之本而糾合無  
藉搶割田禾鳩集散仔騙奪財物或盜宰耕牛或開  
場轉博學校風化之源而不守卧碑遊蕩街衢教唆  
詞訟把持官府教官不嚴立課程有司不常加勉勵  
訪其違犯者懲治數人所至肅然有出巡錄廣人至  
今傳誦之後累官至副都御史

楊稽字孟哲建昌人永樂甲辰進士歷官廣東左布政使禮士愛民官勤吏畏朝廷以廣寇初平而稽久住其地熟知民情勅晉戶部左侍郎巡撫廣東稽至見民困弊即行均徭之法驗賦查丁第為二等而均役之民以為便又分南海立順德縣民賴保鄣之功彭遠字自邇南昌人以鄉貢歷淮安知府有善政因註誤被逮軍民赴京奏留者千餘人適中官李德過淮知其賢聞于上亟命回淮賜勅旌異十一年特陞廣東右布政使在任廉謹寬和廣民喪葬崇尚浮屠乃嚴下令禁之責以月內盡葬民皆德之

王翱字九臯鹽山人永樂十三年進士授庶吉士歷都察院左副都御史景泰三年加太子太保南蠻寇兩廣副總兵董興武毅各觀望不肯戰巡撫侍郎揭稽李棠不相統盜益熾上用翱往總督兩廣軍務既至相機撫剿諸蠻聞公耒大懼公畧威推誠招撫蠻寇皆聽命民得免驛騷之患公嘗言蠻戎撫捕各有機宜其見蓋素定也後進太子太保吏部尚書致仕卒年八十四歲贈太保謚忠肅



戴弁字士梁浮梁人以教官擢兵科給事中累官廣東參政時黃蕭養作亂弁往撫安未幾寇逼城圍遂歸為防禦計至靈羊峽口卒與賊遇弁艤舟登岸據胡床坐諭之曰我戴參政也因爾輩失所朝廷故命我來撫安爾輩宜聽吾言革故自新即吾良民何乃為喪家計如此賊酋環視曰果我公也遂麾衆羅拜曰公與楊公皆愛吾民者吾何敢恐公遂密護弁歸未久寇大肆圍廣州城中乏食亟與知府聶好謙發廩賑之衆心始安復立賞格募敢死士間道接援兵入城守乃固會參將武毅駐兵金利都督董興自京師至遂往通謀刻期一戰乃斬蕭養於城南遂分兵搗其巢穴撫其餘黨未閱月悉平捷聞朝廷勞以羊酒寶鏹金綺襲衣陞右布政使景泰三年丁內艱奪情視事進左布政使考績至京師疾作乞歸卒其在廣大有保釐之功云

楊信民紹興新昌人永樂庚午貢士擢刑科給事中  
正統十一年陞廣東左參議旬宣所至愛恤窮困如  
保赤子正統己巳以劾貪事被逮赴京廣人不忍其

云軍民客旅徭蠻竈戶萬四千餘人赴上司保留者  
以何寧等復詣 闕奏保遂蒙復職 勅守白羊關  
寧等復奏賊黃蕭養作亂願得信民還廣則寇賊可  
弭 上可其奏召還入見勅賜大官飲膳陞右僉都  
御史巡撫廣東至廣州時賊衆數萬有民欲入城赴  
愬官司疑其為賊間縛之于獄信民命出之即印押  
公據數萬散布四方約曰縱為盜殺人有此據者悉  
免其罪願入城者聽令既下信民恩信素孚民爭趨  
城至城泣拜臺下信民亦泣而慰遣之發粟賑濟時  
官民爭曰縱賊入城患生不測咎將誰歸信民曰吾  
獨當之越月餘賊衆纔數百人耳一日蕭養率衆欲  
見于歸德城濠之南信民單車出城止于水次賊曰  
豈真吾楊父母耶信民下車揮左右却立乃岸烏紗  
示之於是賊衆羅拜信民諭之以 朝廷恩威賊衆  
欣諾遂令一人蕩槳饋生鯉一信民受之而還剖鯉  
分送諸司賊聞而驚曰此吾誅戮之兆也時閉城日  
久疫死者衆信民命瘞諸城北郊為文哭祭之民無  
不感泣者信民尋卒城中哭聲相聞者數日賊平民

上請建祠祀之後十四年祠成始啓土時獲孤忠大節楷書石刻於地中人以為異云成化五年朝廷下太常議乃謚曰恭惠

徐瑄字子敬嘉定人正統戊午解元第進士授監察御史景泰七年出按廣東廉公有威人莫能窺其際巡歷所至惟以廩粟易蔬肉而已渡海駐瓊履人所憚擒治奸貪尙黎悅服後擢僉都御史巡撫延綏先是吳江盛杲亦以監察御史按廣時年踰弱冠而明習法律老吏見其文牘莫不縮頸時瀧水賊倡獬杲單騎諭之遂降又劾巡撫侍郎揭稽專擅事風力振一時然杲之明敏不如瑄之詳慎云

葉盛字與中崑山人由進士授兵科給事中遷山西右叅政以外艱歸天順改元召擢都察院右僉都御史命巡撫兩廣初兩廣守將不相統攝盛請於梧州建帥府命征蠻將軍總鎮于此兩廣各設副總兵及叅將分守要害悉從征蠻節制又許益商計益多寡入米餉邊公私利之會有譖於當道者取還改左僉都御史巡撫宣府各邊屯堡多廢盛建議脩復邊

人不悅謗聞京師盛任怨力主其役不數月築完計  
七百餘所自是兵民畜牧自如得免寇掠成化三年  
進禮部右侍郎尋改吏部左侍郎時方冀其大用俄  
無疾而卒年五十有五 詔賜葬祭謚文莊盛平生  
力行好古清脩苦節動慕范文正之為人為諫官論  
事不激不隨取人先行檢而後才藝終不及人之過  
亦不輕薦一人考古辯疑殆忘寢食而於世俗聲色  
貨利澹然不以經心其文章紆徐委備有法則彭韶  
贊云希文不相古今所惜人以為知言

林錦字彥章連江人舉景泰元年鄉貢授合浦縣儒  
學訓導時蠻寇充斥內外無備錦規畫皆懸合機宜  
巡撫右僉都御史葉盛異之遂檄攝靈山至則患無  
城守始據形勢立排柵設禦守具賊畏備不敢近境  
未幾以滿秩去民曰公去賊復來我無以保我生逃  
之山盛乃以狀 聞請令靈山詔從之許馳驛之官  
蓋異數也民間之即復來歸適歲大饑益熾劫掠村  
堡無寧日錦單騎入壁諭以禍福附縣二十五徭皆  
聽命其遠地不服者縱兵剿之天順壬午正月敗賊

于羅禾水二月敗賊于黃岡嶺五月大敗賊于新庄  
前後斬獲千餘級還所擄掠倍之已而去排柵築土  
城徙縣治於中成化丙戌以功擢守廉州歲復大饑  
賊掠清和鄉錦肩輿諭解者千餘人不服者殺之蓋  
其經畧還定如靈山戊子擢按察司僉事尋轉副使  
遂制置一道立數百年長計設團河營以禦西寇新  
療營以禦南寇設洪崖營以塞寇出沒之路寇遂滅  
息庚寅巡視靈山念土城不可以久遂城之錮以磚  
石高墉連樓橫亘五百丈靈山遂成重鎮然自令至  
守臬一以教化為務靈山尚鬼好巫則禁淫祠修學  
校勸民力農桑行孝弟獎廉耻又群子弟教之架化  
龍橋為多士勸讓海北道作欽之明倫堂估民間居  
以廣孔子廟廡全郡知學者皆錦之教也禮義風行  
於全越且忠誠仁愛訐謨宏議處分漢達軍民及經  
久可行者前後三十餘年皆為生民造福計如請立  
總制府於梧州俾嶺海萬里倚為干城屹無兇孽其  
功尤大云

韓雍字永熙長洲人父行役生雍于京師登正德

成進士授監察御史時方年二十或少之東鹿王驥  
為都御史獨見器重有重務或巡大藩輒奏委之所  
至伸冤抑鋤強梗黜貪殘名聲大振陞廣東副使少  
保陳循疏雍才陞都察院右僉都御史巡撫江西未  
幾巡撫大同宣府陞兵部右侍郎成化初被累出為  
浙江左叅政時兩廣寇弗靖將出師廷議唯總督  
之任難其人兵部尚書王竑曰非韓雍不可遂改雍  
左僉都御史會都督趙 等於南京議兵所向僉謂  
賊寇廣東宜逐之寇廣西宜困之雍曰不然大藤峽  
為賊巢穴舍此而致於賊非計也行抵廣西遣偏師  
平陽崗諸賊擒其魁磔以示衆先是指揮某失機數  
其罪斬之軍威大振乃分兵為二十五哨各授以方  
畧雍與太監總兵統中哨先攻脩仁荔浦諸崗克之  
進次大藤峽衆云峽乃天險且賊以有備不如以大  
軍圍之俟其自斃雍曰兵貴拙速峽周圍六百餘里  
縱有甲兵數萬豈能斷賊出入相持日久老師挫銳  
不如長驅擣其巢穴且遣首將歐信帥師由山北取  
道與大軍合擊復分兵截其要路時賊於山南立排

粵九記 卷九  
三十三  
柵甚固滾木礮石標鎗藥弩如雨而下雍選壯士用  
團牌扒山虎等器殊死而進奪其要塞焚其積聚烟  
焰障天賊遁歸九層樓懸崖絕壑不可復進雍不顧  
督兵破山開路棄馬步戰賊復用礮石大木推轉而  
下久之賊矢石稍盡雍率軍猿攀蟻附而進密遣壯  
士於絕頂舉砲為應賊方驚駭諸軍四面夾攻會歐  
信等亦至俘斬不可勝計餘黨皆降雍曰賊雖降不  
能保其不叛乃改大藤峽為斷藤峽徙上隆州於峽  
內更名武靖立土官以司之置藤縣千戶所以鎮戍

之遂刻石紀功而還捷 聞擢左副都御史旋以父  
喪歸再起為右都御史總鎮兩廣蠻夷震懾以父呼  
之而不名久之與中貴人黃沁不相能乃以病歸卒  
於家年五十三謚襄毅雍長身俊偉落落有大節具  
文武才畧天下咸傾仰之

袁道字德純吉水人賦性剛介清苦力學以氣節自  
負登成化壬辰進士歷知宜興太平二縣擢監察御  
史巡按廣東至則罷賊吏搜剔奸弊雖藩臬諸司皆  
相戒飭曰勿使有玷缺袁御史知也尋以疾卒于龍

川白沙陳獻章作詩哭之時稱為真御史

鄧廷瓚字宗器巴陵人景泰七年進士歷官都察院右副都御史總制兩廣自成化初韓襄毅開府梧州率以憲臣有才望者總督軍務兼巡撫公思以安靜為治屬吏有賢者輒薦舉俾其有成立倘不職則特去一二太甚者奏除諸冗吏曰省祿以養民也念群蠻以劫掠為常往往出沒閩楚諸郡公言都御史金澤巡撫偏方非宜宜以江西一省付澤使二司聽節制軍馬錢糧可以調度其湖廣衡州添兵備憲臣懇治所郴州便又以瀧水為賊巢宜即其地設千戶所調軍守禦仍給空地屯田為久計公於群蠻結以恩信兵不輕出出則成功鬱林大桂諸峒作亂以次討平四會諸縣饑盜竊發公斬獲首惡李景元等併及其黨二百餘人餘悉解散公寬中大度人莫窺其際至所設施動中機宜其明辨之智衆自以為莫及卒贈太子少保謚襄敏

秦紘字世纓單人景泰二年進士初為南京御史有風裁劾中官降北黃驛丞用薦起歷官僉都御史弘



治二年以右都御史總制兩廣軍務破岑欽鷓鴣嶺走匿泗城遂克田州又破海南黎及瀧水復山賊四年劾總兵安遠侯柳景貪不法逮景下刑部獄追贓鉅萬禡其爵景于內降減贓且兼他事誣公亦被逮坐免臺諫交章論救三原王恕極言公廉直忠信不可棄內批南京戶部尚書後致仕年八十卒贈少保謚襄毅公剛毅廉介歷官四十餘年所居僅蔽風雨及卒家無餘貲子孫有貧乏不能自存者

英字時傑郴州桂陽人正統間進士累官右副都

御史成化十二年總督兩廣聞新會舉人陳獻章賢具疏薦于朝獻章出見待以殊禮使人擁之由中路出入輿論嘆異以為王公之尊賢不能過也先是韓雍經畧斷藤峽等地方用度浩繁府藏耗竭英繼其後擢節數年府藏頗充有言以羨餘進者英曰王者藏富于郡縣兩廣用兵不常苟進以希寵則他日餽餉奚從取給乎言者愧而止每有建白皆以愛民為主官既尊自處如寒士在督府不以家累自隨其舍人自桂陽耒耜老蒼頭一人而已流民得復業者

十五萬家召入為左都御史加太子少保大抵英為人端方儉約清淨簡易一時名鄉皆自以為不及白沙陳獻章嘗書對聯云官府清虛如到寺家徒冷淡不隨公蓋實錄也  
彭韶字鳳儀莆田人天順元年進士累官至廣東左布政下車首集父老問民疾苦利病即與興革舊例農民補吏視房分率令辦納公堂銀韶曰取其財而責其貪可乎悉革之內臣歲辦貢物民不能堪韶疏言明王不寶遠物廣東民力竭矣守土之民

此為恭不知國本凋傷為害及市舶太監常眷請餘剩六十戶隸舶司以需歲辦貢獻韶疏言今日富強不及於昔者蓋因害財之多及今雖十分愛惜撙節猶恐無繼更啓他端雜用其何以善後哉願將眷所奏餘口暫與一年後皆停罷有詔減其半薦陳獻章于朝自謂弗及至一時名士皆折節下之學每崇正所至有聲如去五顯廟以祀崔清獻公撤土神祠以祀汪叅政廣洋之類朔望受民詞至千百紙決斷如流告戒諄切民感愛如父兄最後又劾珠池監丞

黃福採捕禽鳥騷動雷廉又劾錦衣鎮撫梁海往來  
傳奉輒稱貢儀水陸舟車百方橫索所過蕭條民間  
愁苦海者太監芳弟也芳見疏大怒會公應詔陳言  
條上漸不克終四事 上不喜芳因謗公調貴州布  
政濱行父老涕泣如去慈親有追送數百里外者巡  
撫都御史朱英贈詩有獨有羊城臨發處西風卧轍  
鳥聲酸之句未幾尹尚書屢薦公有大臣體陞副都御  
史終刑部尚書卒贈太子少保謚惠安

劉大夏字時雍湖廣華容人天順甲申進士翰林院

庶吉士願以勳業自見出為兵部主事時有獻取江  
南策者公力止之得寢累遷廣東右布政使為政公  
平人倚以為重嘗過宋慈元后陵泣然曰后死國而  
弗祀義弗稱謀立廟人感其義不日而就每有他出  
百姓引領望之後遷至右都御史總督兩廣以節用  
愛民為心時議者奏請添設雷廉高肇兵備副使等  
官兵部下其議于督府大夏言廣東添設官負不謂  
不多矣官無定制上有十羊九牧之擾民無定役下  
有皂隸馬夫之費况司府官負名重於利猶知自檢

州縣之佐利重於名徒增民害因奏革肇慶撫徭叅  
政高肇捕盜通判十數負民甚快之後終兵部尚書  
以大節名天下嘗曰居官以正己為先卒贈太保謚  
忠宣

林同字進鄉龍溪人天順中登進士歷官廣東右布  
政使尋轉左嘗條示利病二十餘事督郡縣行之又  
勸民行呂氏鄉約及文公家禮巡按御史王哲奏庶  
能吏十餘人乞旌擢同居首藩憲大僚見巡撫都御  
史皆無跪禮自韓雍來始跪及唐珣繼來衆跪同獨  
不跪同見珣以事臨之同不為動不久珣沒其子過  
廣同待以禮嘗卹庶吉士張紹齡之喪戊午入覲  
過漳遂上疏乞骸骨詔許之居官清白卒之日家無  
餘貲云

吳廷舉字獻臣蒼梧人丁未進士賦性清直自奉菲  
薄義所當為者則毅然以身當之弘治二年知順德  
縣下車首興學校毀淫祠飭縣治優老恤孤重梓家  
禮儀節以示部民更新應祀廟社以隆歲事凡可以  
激風俗悉力舉行時稱廉能吏焉都御史屠鏞欲為

權錙脩家廟以屬廷舉廷舉不應而毀淫祠寺觀以  
其材作書院修學宮御史迎鏞意按覈之廉其直即竹  
木瑣屑不爽錙銖宦家有二子犯盜法並論死廷舉  
標其戶曰盜而生其少子後少子改行泣愬曰公念  
先人罹譴而存其後今門以盜辱不如死也吳為撤  
之御史即捕盜令自首盜曰吾死分也不忍誣廉令  
束以刑卒不易口御史慙乃罷居八年遷成都同知  
調松江上疏請脩軍政二事廣東盜起兵部尚書馬  
昂薦陞兵備僉事征十三村池水盜平之改蕪塩法  
時劉瑾用事遣官歛諸省庫銀解京意在索羨廷舉  
第以額應解而裒其羨又劾太監潘忠二十罪逮繫  
詔獄瑾矯旨荷校吏部門外謫戍鴈門逾月宥免為  
民瑾誅召補雲南副使江西叅政討桃源賊為賊所  
得奉之入巢羅拜刼降廷舉詞色不撓久之伺得賊  
中要領反執其酋以敗為功晉廣東左布政使立番  
舶進貢交易之法平驛遞之役陞副都御史嘗疏陰  
備宸濠有曲突之謀濠遣使遺吏部尚書陸完書曰  
宜急易巡撫孫燧代之者某某俱可吳廷舉切勿令

其來其見憚如此嘉靖初歷官南京工部尚書即疏  
歸廷舉長身骨立面如削瓜衣敝帶穿不脩藻飾而  
神采英毅言行必自信平生清介而妻子冒饑寒靖  
州土人嘗持金來謝德却不受卒無以為殮曾以事  
忤御史御史閉門欲責之諸生梁景行等數十人排  
闥入翼公出公氣不少絀人以是賢公并賢景行有  
志節云

熊繡字汝明寧遠人成化二年進士歷官兵部侍郎  
兩廣總制右都御史操勵廉潔自甘蔬布餼廩羨餘  
不入私室嚴番舶抽稅之禁密保甲偵探之法絕中  
官饋送之例杜州縣署印之奸風裁肅然未幾召入  
南臺俄而中官李榮傳旨致仕山居簫條當道饋送  
堅却不受雖俯仰益困意度晏如卒巡撫都御史秦金  
為請于朝贈南刑部尚書逾年太僕少卿何孟春上  
疏曰竊見都御史熊繡事母能孝事兄能友居貴能  
勤居官能儉敷歷中外四十餘年不徂近功不徼時  
譽伏乞 聖朝表勵清賢奉 詔給繡繼子端月米  
一石謚莊簡

姚鎮字英之弘治六年進士歷陞右都御史提督兩廣軍務時田州土酋岑猛作亂鎮自督兵進破定羅丹梁猛子邦彥率驍賊常好陸秀列十二陣拒戰鎮師奮前大破之好秀衆潰猛奔歸順土官岑璋鳩猛傳首軍門捷奏上嘉之降勅褒獎進左都御史後以兵部尚書總制三邊尋以老致仕子涑狀元及第為翰林侍讀學士

梁材字大用順天大城縣人係南京金吾尺籍弘治己未進士志尚節畷能甘澹泊歷仕考語皆以儉廉因自號儉庵云嘉靖四年來為左布政使首靖獄市嚴門禁凡同僚及首領皆置圓牌書其僕隸令候缺吏輪遞每市物必書其數粘牌上會而後召市人入丹墀面領價銀日以為常雖不苛細然胥隸姓名皆能記憶闌出財物無不知者一日右布政使林富市肉數多召其僕誠勿過豐富聞之大怒褻衣小帽出而踉蹌詈罵不已材端坐自如頰視簿書富慙而退自是官吏益敬憚之帑藏出納贏餘一介不取吏宅聯坐至成巷陌巡覈閒雜皆屏且責內外肅然旦夕

皆餽于堂上侑以青菜或冬瓜蘿蔔惟一味比擢副  
都御史巡撫江右薦紳皆餞諸大觀橋解衣盡歡痛  
飲大嚼始知其節蓄乃習慣成自然爾視所服圓領  
用浙蕉極下者裏服布素澣補惟兩裙鮮潔離廣基  
月受知張桂諸公連陟戶部尚書慎制國用得罪  
罷歸卒一時稱廉官以材為首云

陶諧字世和會稽人領首解登弘治丙辰進士選入  
中秘已而授職諫垣遇事敢言首疏乞緝熙聖學以  
裨治道又欲以大學衍義置禁中以備進覽皆見聽

正德時權奸擅政事多內降疏言遠讒佞以一政令  
脩人事以弭災異戒逸遊以保治安皆指切時政以  
戒逸遊一疏斥言大闢丘聚劉瑾輩蠱惑之罪是時  
瑾等日思中傷之久之無所得乃以他事杖諧落其  
職隨有旨責廷臣朋黨罷輔臣劉謝二公及知名士  
五十有三人而諧猶列名其中既又搜織下之詔獄  
與尚書劉大夏潘蕃同謫戍肅州諧怡然就道瑾誅  
放還家居嘉靖改元采錄天下舊德名人乃起諧臬  
司由僉陟副祿長潘岳遂擢中丞督理南贛汀漳等



處軍務至則條數事奏行曰重守令專分守寬農民  
懲貪吏凡以重本厚生防患去隱為務兩廣總督自  
缺遷少司馬仍兼臺秩往蒞之先是群盜久負遐阻  
不可悉平諧隨在撫剿賞罰必信所向克捷前後俘  
馘以萬計所輯寧菁峒以千計陽春民田被侵者皆  
清出復業及奏凱推讓群力不以自張錐荷恩賚金  
幣而人咸謂未稱其功也以母喪歸服闋為兵部右  
侍郎閑達機宜克贊邦政嘉靖辛丑致仕歸卒年七  
十有三

盛應期字斯徵蘇之吳江人弱冠舉弘治癸丑進士  
歷官兵部侍郎兼都察院右副都御史總督兩廣軍  
務前任兩廣者多通土官餽謁土官多玩易之號令  
隳弛而蠻寇竊發公至大閱鈎稽簡料凡太監及總  
兵私役軍者悉勒歸伍而兩府官屬之暴橫悉痛抑  
之且檄下兩省及湖廣諸路凡所調遣悉聽關白乃  
行由是二府不悅大興讒搆矣歸善縣賊李文積據  
桃子園為亂發兵討捕生擒文積及其黨李萬全等  
斬首一千一百三十級俘四百餘人土官劉召據思

恩以叛討破之斬首一千九十七級俘五百餘人半  
赴火死餘黨悉平田州土官岑猛作亂事聞下公體  
勘公上疏陳方畧下兵部覆議而公已改官矣初二  
府蓄憾騰謗於當道當道者欲事調停遂除公工部  
侍郎提督易州山廠實奪之權也乃引疾致仕

毛伯温字汝礪吉水人正德戊辰進士歷官兵部尚  
書右都御史加太子少保時安南黎暲被殺其臣莫  
登庸割據其地國內爭亂久缺朝貢上決意討罪

命公叅贊軍務督兵南征得便宜行事公至廣下

籍諸省土漢狼達水兵二十餘萬兩廣雲南各分三  
道入次南寧登庸惧請罪且言黎氏死無後願歸欽  
州四尚故地世世奉朝貢正朔如制公念安南罹禍  
已久且窮治太密非羈縻遠夷之道遂定計納降鎮  
夷関築壇具儀登庸率屬繫頸徒跣北面蒲伏獻降  
表候命遣姪莫文明代詣闕下公為具疏請從之  
以登庸為安南都統使進公太子太保班師歸公復  
舉時弊當釐革者八事列疏以上尋理兵部事痛抑  
債帥以杜倖門清汰勳貴子弟之冗食濫爵者卒贈

少保

張岳字維喬惠安人究心理學以程朱為正得癸酉  
癸解丁丑舉進士與陳琛林希元三人同志時目為  
泉州三狂初授行人疏一課上南巡杖于闕下幾死  
謫南國學正歷轉知廉州府稱賢能第二與副使翁  
萬達同議平安南毛尚書伯溫語人曰吾於斯行得  
兩巡撫才岳宜南萬達宜北後果然嘉靖甲辰陞  
副都御史提督兩廣軍務舊凡公私供億取辦經紀  
歲費數千金故事餉銀悉從欵散任意乾沒岳悉歸

樞府而該道覈其實以報餉無私入自公始也乙巳春  
封川賊僭稱王岳帥師討平之斬首一千五百德慶  
州立生祠祀之又平柳州魚窩等賊斬獲七千有奇  
召入兵部左侍郎副都御史時論其勲賢與韓襄毅  
劉忠宣相頡頏卒贈左副都御史太子少保謚襄惠  
邵銳字士抑仁和人正德三年會元進士授翰林庶  
吉士歷廣東右布政使操廉秉公其學於天人顯微  
罔不研究獨耻于近名不立門戶而闇然日章居官  
所至以清謹著陞山東左布政使進太僕卿引疾致

仕沒之日筭無數金田僅百畝贈副都御史謚康禧  
歐陽鐸字崇道泰和人正德戊辰進士筮仕行人陟  
至延平知府有善政改福州御史黎貫照刷文卷見  
其文移詞理大異之召與語謀猷醇確仍特薦其學  
行入覲以治行第一賜綵段羊酒遂擢廣臬副使  
尋改提學承魏校之後至則明禮教崇行義勸督有  
程課試有常謂養才如種木株而植之未必株而成  
之子弟稍穎資輒收之學士文義踈拙不即黜屢試  
靡進乃黜即儻蕩無行亦不亟黜累教不悛乃黜居

三年文體士習丕變然未嘗大聲色第潛移默劫有  
出於勸督之外者所獎拔士往往知名當乙酉賓興  
所擬為魁元如潮士陳思謙鄭弘彞李日森瓊士唐  
穆已得其四惟詩魁當在廣庠非岑萬則曾貫及揭  
曉皆如所言又謂連士張叔庠廉士王養民當俟後  
舉果符其言人稱神奇云戊子陞雲南叅政未行俄  
召拜太常寺少卿終吏部侍郎以災異自陳致仕歸  
卒于家贈工部尚書謚恭簡先是若安福彭旒丹徒  
丁璣鄞余本崑山魏校山陰蕭鳴鳳提督廣東學校

皆鏘鏘有聲鐸尤稱首云  
江潮字宗之貴溪人弘治中進士歷官廣東提學副  
使以道自重以禮授徒蔚有知人之鑑歲考時謂霍  
韶梁焯金山必連第且謂韶有魁元才然寘山於二  
等責曰汝本有才何杜撰呂申公格言以相欺乎後  
日事君還當敬慎後山以戶部主事監兌江西陷宸  
濠黨中果符公戒慎之語士林稱服又謂霍韜可作  
榜元及考潮州還亟喚韜語曰今科解元當是蕭興  
成汝次之然汝當連魁天下功名事業大出蕭之上  
後果如言人稱神鑒云

王世芳字

蘇州人正德中進士嘉靖九年任廣

東提學副使學問淵源鑒識宏朗嘉靖辛卯考校諸  
士謂魁元多出潮州儒士林大欽必魁天下後是科  
解元胡一化而大欽果中壬辰狀元皆潮州人也其  
三學及三水諸生則劉模唐守勳沈桂奇何維栢蒙  
學之郭大治蕭廷相畢烜皆其優等者其鑒精矣  
周延字南喬吉水人嘉靖癸未進士為新會令癸摘  
撫字得民畏愛海濱之俗化戈鋌而之南畝召為兵

科給事中邑人思之祀于名宦祠歷官兵部侍郎都  
察院右副都御史提督兩廣軍務至則節冗費杜倖  
功疏嚴番舶交易罷瓊萬烏石諸驛歲省數千金二  
廣又安累陞南吏部尚書改南兵部叅贊機務乙卯  
入為左都御史臺綱為之一肅延方峻謹潔一介不  
苟取交游屏絕門外肅然嘗自贊其像曰退然若畏  
遯兮似迂然其不義違不利趨不俗隨不玄虛殆之  
死而不渝也卒贈太子太保謚簡肅

戴璟字

浙江奉化人丙戌進士歷官監察御史

巡按廣東百粵地遠法踈吏窳民惰公肅紀貞度潔  
躬愛民嘗曰御史正己以格物己苟弗正物何能格  
民何自蒙實愛乎一時州縣汙吏望風解印綬去所  
畫為條約多切民隱官民傳誦目為戴公出巡錄又  
哀叙粵故為廣東通志其文麗其事核而一方文獻  
大備其政有體要不求赫赫之名而攬轡澄清之風  
於斯稱最焉

鄭綱字子尚號葵山莆田人父瓚正德戊辰進士授  
戶部主事忤逆瑾以事罷官卒于京公自幼聰敏痛

自砥礪登嘉靖己丑進士第繼為戶曹郎與翁萬達  
鄒守愚相淬濯部中稱四君子己亥知高州府脩廢  
舉墜百度聿興丁酉移知廣州廣為百粵首郡公悉  
心民隱釐剔弊源崇務節愛不為束濕聽訟明允得  
兩造之情尤加意學校昂新黌舍拔名士如盧夢陽  
馬拯蒙詔輩士類翕然歸之滇南湖襄藩臬所至譽  
望藉甚戊午提督紫荆等閩軍務時惠潮盜熾引倭  
入寇己未晉右副都御史總督兩廣軍務至則躬督  
海道副使鄭維誠通判翁夢鯉等討平之嶺海晏然捷  
聞有白金文綺之賚後卒于任

吳桂芳字子實新建人嘉靖初舉進士歷分守嶺南  
以作養人才為己任築崧臺書院以誨多士又克詰  
戎兵羅旁無敢嘯聚者四十二年以兵部侍郎右僉  
都御史提督兩廣軍務時興寧賊葉舟樓花腰蜂等  
各勾倭為害公命總兵俞大猷監軍僉事徐甫軍帥  
師討之始戰於泮水神山馘其渠魁再戰於海豐大  
德港擒舟樓腰蜂等磔于市先后俘斬二千四百四  
十名顆績奏上大悅賚以金綺繼而拓林海兵直

犯廣城隨調東莞南頭兵自外洋入叅游各兵趣東  
州而出合擊大敗之生擒六百二十一名顛斬獲不  
計其數以功陞兵部侍郎公以粵城西南一帶單薄  
建議築外城自南門至歸德連西城角門崇墉屹峙  
防禦嚴固後海賊曾一本来犯以有備而退粵人時  
以無恐因思保鄣之功立生祠祀之

丁以忠字崇義新建人戊戌進士歷官廣東按察使  
慷慨大度不屑苛瑣恢然有用世之才平反積獄數  
十人自以不寃時佛郎機夷遠禁潛住南灣海道副  
使汪栢從吏之以忠力爭曰此必為東粵他日憂蓋  
脊思之栢竟不從今則深根固蒂矣尋擢右布政使  
時征何亞八鄭宗興諸賊運籌理餉克咸厥功  
賜白金文綺採珠中貴事竣欲橫索以充私囊公引  
大義喻止之粵氓得免荼毒公之力也今時事紛  
求一二如公者彈壓之何可得哉乙卯秋試為提調  
官所得多知名士尋陞山東巡撫官至留都少司馬  
叛卒之變談笑靖之屹然負天下之重感于時事丐  
休而卒孫此呂此召並舉進士能繩其武云



黃光昇字明舉晉江人習易得蔡虛齋之傳嘉靖己丑舉進士益用力書律令長興有政聲徵為刑科給事中以剛直忤時相出為浙江僉事進叅議尋陞廣東海道副使廣民與夷市於洋海中互相標掠則為置符籍以勾稽之嚴踐更以妨闡之先是番舶稅重商人百計求脫公為制減十之六商乃樂輸公又躬自清白錙銖不染而歲盈數萬蓋自公任以后罕有能繼其蕪者交莫是正中與宏漢爭立其酋以兵攻欽州索正中急以公畫授俞大猷帥東莞新會二邑

兵大挫之斬其二酋乃定宏漢之襲已復討定徭獠有連山崖山功督府上其最尋陞蜀藩叅三歲復陞東粵摠憲以嚴為治胥史畏若神明新會賊陳文伯為亂昇檄兵往援而牒二兵憲夾攻之俘其黨若干人獲一緋袍者於群屍中衆謂文伯也昇以狄武襄事止之聲績益著遂晉蜀右方伯歷陞刑部尚書或謂昇執法稍苛云

史朝宜字直之晉江人祖有名惠者成化中以孝旌閭幼與兄朝賓同學再閱輒成誦登癸丑進士宰山

陽縣歷陞知瓊州府治行皆稱第一尋擢廣東按察副使視學且治兵則群髦士之俊者誨而植之適流倭突入瓊境閩帥有援之為奸利者按而寘之法乃利器械治餘皇躬自訓練親拒之海上大創去乃巡行海嶼朔白沙六寨聲勢聯絡倭遂不敢犯尋晉撫臬憲務整戢大綱平反諸獄必詳必慎至其懲墨去貪不少假貸時目其為閻羅然保持善類故又有菩薩之號其持已壹以蕪介即所屬厚善有私餽贈者則重加誚讓面折無所容時稍隘之而天性自若也

擢湖廣右方伯猶以粵憲入 覲蒙卓異優賞既而楚任不數月以疾丐休不脂浣於江陵之門其賢可想見焉次子繼偕壬辰探花為翰林編脩史氏之德然宏遠未艾矣

吳善字元夫龍溪人壬戌進士所居紫泥洲自公始破天荒云初授刑部主事恤刑東廣廣人連年旱魃盜繫繁多為之原其情以定其罪凡株連寘陷者悉白而出之一時稱其平允公敷歷藩臬多在楚蜀西粵間甲申歲巡撫廣西丁亥拜兵部右侍郎摠督兩

廣軍務下車首嚴屠牛之禁恤被災饑民之賑又清  
虛糧補曠餉禁逋賦核僧田比苛條悉從報罷而要  
務則綱目畢張其責成吏治意尤蒸蒸切也一時文  
武吏爭相激昂而公厲表率之意氣彌銳而形神漸  
衰矣海南討黎之議公與該道叅發其端力疾運籌  
以決其捷病已入膏肓心猶動石畫古稱鞠躬盡瘁  
公其人耶故事兵餉歲羨數千隨幕府所出入不問  
公銖毫不染悉登官籍其庶靖可範也卒之前夕有  
光大如斗從署中起直上空中公亦自言雲端有眾  
若干丈躡足登之遂卒訃 間

賜贈右都御史與祭葬如例子廷覲蔭國子生學士  
民思公功德請合祀於自湖吳公之祠云

劉采字汝賢麻城人嘉靖己丑進士初知宿州歷官  
廣東左布政使已裕民守官肅度馭歷三十餘年所  
至以廉能稱而藩務清釐尤足為諸僚表率嘗以家  
學春秋主意授諸生於是廣士始有麻城之學而梁  
王佐輩相繼登第遷南京吏部尚書改兵部尚書卒  
贈太子少保謚端簡

熊桴字元乘武昌人嘉靖庚戌進士歷官僉都御史  
巡撫廣東時海寇曾一本方張至則條上平寇四策  
乞餉金五萬皆得請拊循士民戒守令毋得竒擾行  
保甲團練法造戰船百有六十發數千金以賑窮民  
清又逋魚塩課區畫周悉乃興師平嶺西新會藤洞  
諸盜斬首二千九百尋擊一本於潮海走之疏請置  
二縣報可一本分據馬耳澳牛田洋則檄閩兵圍之  
一本誘日本禪王丘古所寇惠州城把總周雲翔殺  
叅將耿宗元桴縱火擊之雲翔敗走先是有鄉縉紳

言名識把總不可用者至是桴悔不能用其言巨雲  
翔叛勞瘁過度竟卒于惠未幾一本兵敗伏誅則皆  
平日經畫之力也上聞進副都御史贈兵部侍郎  
賜葬祭

劉穩字朝重湖廣鄱縣人嘗從蔡汝楠講良知之學  
丙辰進士授南京武選主事陞廣東南韶兵備僉事  
韶有大羅小羅故為徭人所據有司常戒人出入販  
者不至則物價倍騰徭人輒歲劫于外鄉人不勝困  
苦穩至自詣其巢宣諭威德徭人感悟羅拜願受約

束因立徭長聯屬之民夷晏然以薦進兵備副使屢  
次奏馘蒙金綺之賜未幾調海道副使有討海賊林  
道乾功加俸一等萬曆甲戌召入為南京太僕寺少  
卿卒所著山房漫藁粵政紀二南漫藁藏于家

周煦字啓和安福人早喪父以遺腹子孤貧力學母  
許氏守志教之正德辛巳進士為監察御史按廣持  
廉秉公貞肅百度前此作威者出則儀從甚都徧城  
皆閉戶闐絕無聲甚至恐兒啼置甕中煦獨乘駘馬  
呵導如常士民莫不竦敬審獄決囚惟推情之重經

有一嫗謀殺隣家幼女取其塞耳銀僅八分曰物輕  
情重遂處決藩臬稱服凡積年民害悉再三訪察罪  
無不當貪酷者各寘于法未滿一年以宿望擢大理  
寺丞士民爭攀送之其家奉勘合丈量餘田僅十數  
畝而已後終副都御史

外史氏槩曰人臣握節秉鉞以制一方位至重  
也兩漢持斧之使巡行郡國茂著風裁故有攬  
轡澄清埋輪糾劾赫赫嚴嚴光于史冊者而百  
粵未有聞焉今採首陶桓公運甓投蒲風槩猶

可想見也豈但以折衝伸威徼外哉由唐及宋  
彬彬稱盛矣宋廣平之恩信裴伯先之清簡李  
朝隱之公直李尚隱之廉介李勉之貞簡李復  
之撫輯孔戣之明斷李紳之惠愛盧鈞之宏博  
柳仲郢之直清劉崇龜之判斷咸百僚之師帥  
也宋則宋敏中以清廉聞陳堯佐以惠政著陳  
堯叟以規畫顯魏瓘以保鄣有功余靖以劾勦  
奏績與龔茂良揚大異劉應龍恢恢然均一代  
名卿哉我

明倚任尤重撫綏得賢洪武初建中書行省而周  
禎汪廣洋繼至後任巡撫則揭稽揚信民稱賢  
洪熙初置總督節制二廣事權益崇重已如王  
忠肅韓襄毅葉文莊鄧襄敏秦襄毅劉忠宣彭  
惠安朱桂陽熊莊簡張惠襄皆

昭代殊絕人物也而朱鑑徐瑄袁道戴璟則皆監  
察巡方風采儼著戴弁梁材劉穩雖當藩監之  
任蔚有撫綏之功並茂羔羊之節故特著之而  
歐陽鐸江潮王世芳皆名督學也亦附見焉其



